

# Superinfo

30.3.2018. / broj 187



ZENICA, KASUMOVIĆ I WIGEMARK  
PROSLAVILI ROĐENDANE



IZMIT FINANSIRA OPREMANJE  
PORODAJNOG ODJELA



TALENTOVANI VIOLINISTA



PRVA POBJEDA RAGBI  
REPREZENTACIJE

## BUDŽETSKA ŠREDSTVA ZA SUMARSTVO



Vlada Zeničko-dobojskog kantona je usvojila Program utroška namjenskih sredstava iz oblasti šumarstva za 2018. godinu. Planirana sredstva za oblast šumarstva u ovoj godini iznose 1.066.600 KM, a namijenjena su za rekonstrukciju šuma i šumskog zemljишta odnosno za čišćenje i pošumljavanje opožarenih i devastiranih površina, provođenje šumsko-uzgojnih i zaštitnih mjer i druge aktivnosti koje doprinose unaprjeđenju šuma, u visini od 390.000 KM, izradu šumsko-privrednih osnova za privatne šume, u visini od 282.000 KM, plate zaposlenih, nabavku opreme i materijala za obavljanje poslova, u visini od 394.600 KM.

## PRIVREDA ZDK



Vlada Zeničko-dobojskog kantona usvojila je Program utroška budžetskih sredstava za 2018. godinu iz oblasti privrede, na osnovu kojeg, planirana sredstva iznose 1,6 miliona KM, a namijenjena su za razvoj konkurentnosti privrede, razvoj poduzetništva i poduzetničke kulture i razvoj turističke infrastrukture i ponude.



## REKONSTRUIJANA SALA SKUPŠTINE

Sala Skupštine Zeničko-dobojskog kantona ponovo je u funkciji nakon što je okončana njena rekonstrukcija. U projekat modernizacije uloženo je oko 70.000 KM, pri čemu su, među ostalim, stvoreni uslovi za rad e-parlamenta i lakši rad novinarskih ekipa. Zastupnici će moći koristiti laptopе, a naknadno će

biti omogućeno preuzimanje tonskog i video signala iz skupštinske sale. Prema riječima Jasmina Duvnjaka, predsjedavajućeg kantonalne Skupštine, investicijom će biti ostvarene i finansijske uštede, jer su troškovi štampanja materijala, korištenja tonera, kao i slanja pošte iznosili na godišnjem nivou 71.000 KM.

## JEDAN ZDRAVSTVENI FOND I ESENCIJALNA LISTA U FBiH



Skupština Zeničko-dobojskog kantona prihvatile je Inicijativu poslanika Senaida Begića (SDP) za izmjene i dopune federalnog Zakona o zdravstvenom osiguranju u smislu da se umjesto trenutnih 11 zavoda, predvidi formiranje jedinstvenog federalnog zavoda zdravstvenog osiguranja, dok bi se kantonalni zavodi prestrukturirali u službe. Zaključak kojim Skupština ZDK pokreće Inicijativu za izmjene i dopune federalnog Zakona o zdravstvenom osiguranju, biti će dostavljen predsjedavajućem Predstavničkog doma Parlamenta

Federacije BiH na dalje postupanje.  
- Sama inicijativa je možda put do otvaranja mnogih političkih pitanja kad je u pitanju Federacija BiH. Moj cilj je da kroz ovu inicijativu skrenem pažnju na rješavanje problema pacijenata iz ovog dijela BiH koji su zaista u diskriminirajućem položaju kada je u pitanju ostvarivanje njihovih prava. To što jedan pacijent ostvaruje u jednom kraju, ne znači da isto može da ostvaruje drugi pacijent u drugom kraju Federacije. To je direktno kršenje Ustava FBiH koji nam garantuje ista prava za sve stanovnike, kazao je Begić dodavši da je nepotrebno da ima 11 fondova zdravstvenog osiguranja i 11 različitih esencijalnih listi lijekova. Dragoljub Brenjo, ministar zdravstva ZDK, je objasnio da je na više sastanaka ministarskih konferencijskih iznosio ovaj problem i predlagao isto rješenje, ali da je naišao na kritike iz pojedinih kantona gdje su se njihovi resorni ministri pozivali na svoje ustavno pravo.

# SVEUČILIŠTE/UNIVERZITET VITEZ

Spremni za izazove  
informacijske budućnosti!

Mi cijenimo vrijednosti  
znanosti i visokog obrazovanja!

Kvaliteta počinje  
obrazovanjem!

Inovativna edukacija uskladena s  
potrebama tržišta rada!

## FAKULTET INFORMACIJSKIH TEHNOLOGIJA

- Poslovna informatika
- Informacijske tehnologije

Osnovni studij (I. ciklus) 3+2 i 4+1;  
magisterski studij (II. ciklus);  
doktorski studij (III. ciklus)

## FAKULTET ZDRAVSTVENIH STUDIJA

- Sestrinstvo
- Fizioterapija i radna terapija
- Sanitarni inženjer

Osnovni studij (I. ciklus) 3+2 i 4+1;  
magisterski studij (II. ciklus)

## FAKULTET PRAVNIH NAUKA

- Opće pravo
- Krivično-finansijsko pravo

Osnovni studij (I. ciklus) 3+2 i 4+1;  
magisterski studij (II. ciklus);  
doktorski studij (III. ciklus)

## FAKULTET POSLOVNE EKONOMIJE

- Poduzetnički menadžment
- Financije, računovodstvo i revizija

Osnovni studij (I. ciklus) 3+2 i 4+1;  
magisterski studij (II. ciklus);  
doktorski studij (III. ciklus)



Međunarodni master studij (MBA)  
Međunarodni doktorski studij (PhD)

## SVEUČILIŠTE/UNIVERZITET „VITEZ“

Školska 23, Travnik, +387 30 509 750, +387 30 509 763  
[www.unvi.edu.ba](http://www.unvi.edu.ba) [info@unvi.edu.ba](mailto:info@unvi.edu.ba)

## Zahvaljujući Sveučilištu „VITEZ“ BiH prvi put domaćin 15 godina dugoj tradiciji održavanja međunarodne CIRCLE konferencije

Sveučilište/Univerzitet „VITEZ“, u suradnji s organizacijom CIRCLE International iz Velike Britanije i pod pokroviteljstvom Vanjskotrgovinske komore BiH, organizira XV. međunarodnu CIRCLE konferenciju pod nazivom „CIRCLE OF KNOWLEDGE SHARING“, koja će se održati u Sarajevu od 4. do 6. travnja 2018. godine. Očekuje se sudjelovanje više od 80 profesora i istraživača iz država Europske unije, Azije i Afrike.

Organizacija CIRCLE okuplja više od 100 profesora, predavača, istraživača i doktoranada širom svijeta, a prvu konferenciju, održanu 2004. godine na Univerzitetu Metropolitan Leeds, pretvorila je u vrhunski znanstveni skup koji se već petnaesti put zaredom održava u europskim zemljama.

Domaćini prethodnih konferencijskih su sveučilišta u Poljskoj, Italiji, Velikoj

Britaniji, Portugalu, Njemačkoj, Cipru, Hrvatskoj i Austriji, a zahvaljujući akademskom rejtingu Sveučilišta/Univerziteta „VITEZ“, organizacija CIRCLE International je odlučila da 2018.g. domaćin ove značajne međunarodne konferencije, po prvi put, bude Bosna i Hercegovina.

oblasti. U Varšavi su prošle godine osnivači organizacije CIRCLE održavajući konferenciju 2018. povjerili Sveučilištu/Univerzitetu „VITEZ“, što predstavlja posebnu čast za našu visokoškolsku instituciju kao organizatora, ali i obavezu da se Bosnu i Hercegovinu i njezino gospodarstvo predstavi u najboljem svjetlu“, kazao je Siniša Dukić, voditelj Odjela za međunarodnu suradnju Sveučilišta „VITEZ“.

Također, doda je i kako su svoje prisustovanje svečanom otvaranju CIRCLE konferencije potvrdili Visoki predstavnici u BiH Valentin Inzko, ministar financija i reziora BiH Vjekoslav Bevanda, predsjednik ANU BiH, akademik Miloš Trifković te brojni drugi ugledni članovi akademске zajednice iz BiH i inozemstva, kao i predstavnici gospodarskog i javnog života BiH i zemalja regije.



## 15TH CIRCLE CONFERENCE

CIRCLE OF KNOWLEDGE SHARING | 4.-6. APRIL 2018 IN SARAJEVO

„Sveučilište/Univerzitet VITEZ već tri godine aktivno sudjeluje na CIRCLE konferencijama, uz prezentacije znatnog broja znanstvenih radova iz ekonomske

# SPAS U PAMETNOJ TABLETI

U Zavodu za bolesti ovisnosti Zeničko-dobojskog kantona ukupan broj pacijenata u 2017. godini je bio 6.800. Među njima su i alkoholičari i ovisnici o heroinu ili nekim drugim opijatima iz te skupine, kojih je prošle godine bilo 418. Od tih 418 pacijenata na tretmanu sa metadonom (methadone) i suboksonom (suboxone) kao zamjenskom terapijom je, kazao nam je direktor Zavoda Amir Čustović, bilo njih 330. Preostali su bili na psihotretmanima, razgovorima sa terapeutima, tako ulazeći u nastavak nadgradnje primanja nekih opijata. Jer, i metadon i subokson su sintetski opijat, ali opijat koji je registrovan kao medikament koji se daje pod kontrolom ljekara. Čustović dodaje da ovisnici o heroinu koji dobijaju metadonsku terapiju neće svakodnevno razmišljati kako doći do novca za nabavku droge, na koji način će ući u neke asocijalne i kriminogene radnje... - Svjetska zdravstvena organizacija je postavila strategiju liječenja ovisnika. Odredili su osnovne supstance koje su zamjena za opijate, za heroin. To su metadon, subokson i suboteks (subotex). Subokson je tableta koja u sebi sadrži dva lijeka. Jedan stimulira receptore koje vrše metadon i heroin, a drugi blokira te



efekte. Šta je smisao te tablete? Narkomani žele, kad dobiju od nas tabletu, da se na neki način predoziraju, da dožive taj fleš. Sustina i smisao ove tablete koju zovu pametna tableta je da ako se da intravenozno, onda do izražaja dolazi efekt samo naloksona (naloxone) jer on je brži, popuni te receptore gdje djeluje medikament buprenorfin (buprenorphine) i blokira ga. I da uzme heroin, nema efekta. Stvara samo apstinencijalnu kruz, tako da bi taj lijek samo napravio pogoršanje pacijentu koji bi ga uzeo intravenozno. Ako se uzima pod jezik, upija se samo taj buprenorfin, a nalokson se izbacuje kroz crijeva kao neprerađen, pojašnjava direktor. Od pet do deset puta je skupljena terapija suboksonom od metadona na istoj dozi. U Francuskoj je uveden sistem da je 90 posto ovisnika na suboksonu, a samo deset na metadonu. Metadon je, pojasnio je Čustović, puno djelotvorniji kod teških heroinskih ovisnika. U Zenici su od 330 pacijenata, njih 242 na metadonu i 88 na suboksonu.

## UNZE PROMOVISAO DEVET DOKTORA NAUKA



Univerzitet u Zenici promovisao je devet doktora nauka, koji su doktorske disertacije održali u toku prošle akademске godine. Zvanje doktora tehničkih nauka stekli su Derviš Mujagić (Metalurško-tehnološki fakultet), Adnan Mustafić i Alan Lisica (Mašinski fakultet), zvanje doktora humanističkih nauka Alica Arnaut i zvanje doktora književnohistorijskih nauka Naida Osmanbegović (Filozofski fakultet), zvanje doktora pravnih nauka Enis Omerović i Davor Martinović (Pravni) i zvanje doktora zdravstvenih nauka Aida Šaban i Berina Hasaneffendić (Medicinski fakultet).

# BOLNICA VIŠE NEĆE PLAĆATI KAZNE

U direkciji Kantonalne bolnice Zenica prezentovan je projekt energetske efikasnosti. Kreditnim sredstvima od deset miliona eura koja je obezbijedio EBRD bit će urađeni infrastrukturni radovi kojima se želi podići nivo usluge pacijentima, ali i obezbijediti bolji uslovi za uposlenike. Pripremne radnje na realizaciji projekta i kredita su isle na prilično zadovoljavajući način. Prošlog ljeta su počeli razgovori oko ovoga, a idućeg mjeseca trebalo bi se pristupiti potpisivanju ugovora sa EBRD-om. Čim sredstva postanu operativna, biće provedene tenderske procedure. Taj dio posla bi se mogao završiti u narednih nekoliko mjeseci, a onda bi krenuli građevinski radovi, kazao je dr. Rasim Skomorac, direktor Kantonalne

bolnice Zenica. Dodao je da je jedan od osnovnih problema bolnice zastarjeli termoblok iz 1959. godine, koji troši ugalj, a ne obezbjeđuje dovoljnu količinu energije. Sistem je zastario, zastarjele su instalacije, zagadjuje se okolina, a bolnica redovno plaća kazne za to.

- Kroz ovaj projekat ćemo graditi kotlovinu na plin, a termoblok ćemo izbaciti iz upotrebe. Drugi segment jeste utorpljavljivanje, odnosno rekonstrukcija svih fasada, zamjena svih otvora i prozora, te uklanjanje krova sa azbestnim pločama i postavljanje ekoloških krovova. U tom smislu ćemo pratiti najviše ekološke standarde. Treći značajan aspekt jeste nadogradnja jednog sprata u koji bi se smjestila sva odjeljenja iz podrumskih

prostorija, te proširio kapacitet intenzivne neuge. Vrlo važna stvar je da će se kroz ovaj projekat realizirati razdvajanje fekalne i oborinske kanalizacije, što nam predstavlja veliki problem zbog zastarjelosti



# MUJO POBRIĆ, PREDJEDNIK IZVIĐACA FBIH



Mujo Pobrić, aktuelni lider tešanjskih izviđača, izabran je za novog predsjednika Saveza izviđača Federacije BiH. Izbor se desio na vanrednoj sjednici Skupštine Saveza izviđača Federacije BiH koja je održana u Sarajevu. Prema riječima Ramiza Mujkanovića, jednog od izviđačkih lidera angazovanih u organima i tijelima pomenutog saveza na federalnom nivou, Savez izviđača u Bosni i Hercegovini broji preko 4.000 članova, od toga u Federaciji BiH djeluje preko 3.000 aktivnih članova svih starosnih skupina, od sedam do 77 godina. Svjetska izviđačka organizacija, World Scout Movement Organisation (WSMO), ili uobičajenije Svjetski skautski pokret, jedna je od najbrojnijih organizacija u Svetu sa preko 30 miliona članova. Pokret promovira svijet bez granica i ograničenja, rad i pravilan odgoj mlađih generacija, ljubav prema prirodi, biljnom i životinjskom svijetu i razvijanje svijesti i odgovornosti prema čistom i netaknutom okolišu, sticanje brojnih znanja i vještina koji su od značaja za rast i razvoj mlade ličnosti, razvijanje osjećaja odgovornosti prema lokalnoj zajednici, druženje i međusobno upoznavanje bez bilo kakvih predrasuda i barijera...



## VLADA SBK STAVILA VAN SNAGE KANTONALNI ŽAKON O ZDRAVSTVENOJ ZAŠTITI

Vlada Srednjbosanskog kantona, na prijedlog resornog ministra Nikole Grubešića, je stavila van snage kantonalni Zakon o zdravstvenoj zaštiti i na taj način otvorila put ka najsveobuhvatnijim reformama u oblasti zdravstva u ovom kantonu, od reorganizacije do informatizacije ključnih zdravstvenih ustanova.

-Ova odluka znači nastavak reformskih aktivnosti i za javni i za privatni zdravstveni sektor. Sada su stvoreni uslovi za preuzimanje osnivačkih prava nad bolnicama u SBK. Vlada i Skupština na ovaj način stvorit će uslove da bolnice dobiju zakonit status. Obaveze Parlamenta Federacije BiH prije deset i više godina je bila donošenje Mreže bolnica u F BiH. To nije urađeno. Mi smo došli u situaciju da sada stavljanjem van snage kantonalnog i preuzimanjem federalnog zakona stavimo naše bolnice u zakonit status, pojašnjava ministar Grubešić. U narednom periodu uslijedit će imenovanje privremenih uprava u pet bolница u SBK: tri u Travniku, te u bolnicama u Bugojnu i Jajcu. Tri travničke bolnice pružaju 90 posto usluga u oblasti zdravstva u ovom kantonu.

**Informatizacija zdravstva**  
Uz reforme u dijelu zakonskih rješenja uslijedit će i one konkretne koje će osjetiti i osigurani, a to su prije svega, informa-

tizacija u zdravstvenom sektoru.

- U prvoj fazi to će biti informatizacija primarne zdravstvene zaštite, a nakon toga slijedi uvođenje radiološkog infomatizacijskog sistema, preciznije digitalizacija standradnih radioloških disciplina, te

uvođenje informacijskih sistema u dvije bolnice (op.a. JU Bolnica Travnik i Bolnica fra Mato Nikolić u Novoj Biloj) koje obavljaju 90 posto bolničkih usluga, rekao ministar Grubešić.

Ovaj dio reforme od velikog je značaja za pacijente koji trebaju dijagnostičke usluge, a posebno za one koji trebaju dalje liječenje na nekom od kliničkih centara. Slike i nalazi bit će u digitalnom obliku i neće biti nepotrebno nosanje nalaza, a i samo očitavanje nalaza bit će pojednostavljeno. Na ovaj način bit će uvezane i laboratorijska dijagnostika.



### Elektronski karton i recepti

Realizacijom projekta Integriranog informacijskog sistema značit će uvođenje elektronskog medicinskog kartona za 230.000 osiguranika. Značajan pomak bit će i uvođenje elektronskog recepta, što će omogućiti praćenje i kontrolu potrošnje. Efekat bi trebao biti ušteda od oko 10 posto na godišnjem nivou. Za projekt digitalizacije su neophodna sredstva od 200.000 KM, dok bi faza informatizacije dvije najveće bolnice koštala 850.000 KM.



## ZENICA, KASUMOVIĆ I WIGEMARK PROSLAVILI ROĐENDANE

Zanimljivo je da su rođendan istoga dana proslavili gradonačelnik Zenice Fuad Kasumović (60. rođendan) i šef Delegacije Evropske unije u BiH i specijalni predstavnik EU u BiH Lars-Gunnar Wigemark (58. rođendan), koji je proglašen počasnim građaninom Zenice. Wigemark je dobio javno priznanje zahvaljujući izuzetnom doprinosu i velikoj podršci gradu i una-predjenju života u Zenici, kroz različite projekte i investicije, a posebno u segmentu jačanja ugleda i odnosa grada Zenice i Bosne i Hercegovine sa institucijama EU. Kasumović je naglasio da je Zenica oduvijek bila mjesto gdje je ljudskost nadilazila podjele na naše i njihove, da je to bila zajednica dobrih ljudi uvijek spremnih da lično žrtvuju za zajedničko, da sitne interese podrede višim ciljevima radi boljeg i sretnijeg zajedničkog života u budućnosti. Ustvrdio je da nema takvih gradova kod nas ni u svijetu, te da izražava ponos što je proteklih mjeseci i sam bio dijelom te "zeničke energije koju sam nastojao usmjeriti po svojim najboljim nakanama i sposobnostima". - Postoje mnoge legende i tumačenja nastanka imena Zenica, a svima nama je najdraže da je to zjenica oka našeg, odnosno zjenica Bosne i Hercegovine, ovičena s jedne strane lašvanskom, a s druge strane nemilskom klisurom, rekao je Goran Bulajić, predsjedavajući Gradskog vijeća Zenice. Nagrade



Grada su dobili Odbor za međureligijsku saradnju u Zenici, Udruženje Baton, prim. dr. Alma Mekić-Abazović, profesor Milenko Karović i prim. dr. Elvira Ljevaković. U ime laureata prisutnima se obratila dr. Mekić-Abazović, zahvalivši na nagradama. - Ljudi koje vidim ispred sebe u sali, ali i većina drugih u našoj zemlji, duboko su uvjereni i znaju da će ova zemlja i

ovaj grad Zenica biti izvor iz kojeg će izvirati nove i bolje i ljudske i profesionalne vrijednosti, koje će biti putokaz budućim generacijama, a sve s ciljem obezbjeđenja dobrog načina života dostoјnog čovjeka, rekla je dr. Mekić-Abazo-

vić. Posebno gradsko priznanje uručeno je četvorici pripadnika PU Zenica: Almiru Durmiću, Harisu Muhamreviću, Nusretu Čosiću i Edinu Telaloviću, kao i načelniku PU Zenica Admiru Gaziću. U umjetničkom dijelu programa svečane akademije nastupili su članovi Omladinskog hora Zenica pod dirigentskom palicom prof. Milenka Karovića, a glumci Bosanskog narodnog pozorišta izveli su dio iz predstave "Moja fabrika". Izložbom fotografija nazvanom "Zeničke vedete", Zeničana Dade Ruvića, Mirze Subašića, Jasmina Hadžića, Selvera Konjića i fotoreportera Oslobođenja Muhameda Tunovića, otvoreno je 23. MKM Zeničko proljeće. Do 12. aprila biće održano 35 različitih kulturnih programa.

## ŠARENE ČARAPE ZA GUINNESSA



Manifestacijom Šarene čarape u Gradskoj areni "Husejin Smajlović" u Zenici je obilježen Međunarodni dan osoba sa Downovim sindromom. Britanski veleposlanik Edward Ferguson objelodanju je obaranje Guinnessovog rekorda jer je 1.589 osoba nosilo šarene čarape i time oborilo dosadašnji rekord iz Irske, gdje je 587 osoba nosilo šarene čarape. Šarene čarape je projekt kojim se na kreativan način nastoje razbiti barijere, neznanje i stigma prema osobama sa Downovim sindromom. Najveći broj prisutnih bili su učenici osnovnih i srednjih škola. Međunarodni dan osoba sa Downovim sindromom obilježen je i u drugim gradovima BiH, pa je tako u BKC-u Tuzla otvorena izložba fotografija "I ja sam vjesnik proleća" Mirze Mustafagića, koji je fotografirao djecu i osobe s Downovim sindromom, čiji je cilj podizanje svijesti o ovoj populaciji, a u Sarajevu je ovaj dan obilježen u Centru "Vladimir Nazor".





## ĆIMBURIJADA

Zeničani su kao i svakog 21. marta u posljednjih nekoliko decenija na specifičan način obilježili ovaj dan okupljujući se na tradicionalnoj Ćimburijadi. Snijeg koji je napadao noć prije i hladnoća nisu ih spriječili da se presele na desnu obalu rijeke Bosne - od Drvenog mosta, Ušća, Ade i Jagnjišća do Željezničkog mosta na Kamberovića polju. Gradonačelnik Fuad Kasumović posjetio je šator preuzeća "Salčinovic", gdje je pripremljen i podijeljen čimbur od 1.500 jaja i šator Zeničke čimburijadi i Grada Zenice, te prisustvovao programa Duvačkog orkestra KUD-a Željezare Zenica i Mažoretkinja iz Širokog Brijega. - Zeničani dugo godina proslavljaju dolazak proljeća sa Ćimburijadom. Tradicija se mora njegovati i treba je nastaviti i baštiniti, kazao je Kasumović. Faruk Kadrić iz FGZ-a podsjetio je na

zakletvu Ćimburijadi koja glasi: "Bez obzira na vrijeme, uvijek ću peći čimbur na prvi dan proljeća". Privrednik Rasim Salčinović je rekao da su ljudi s kojima se druži i on posvetili pažnju Ćimburijadi, tradiciji naših roditelja i djedova. - Niko ne zna kad je to krenulo, koliko se godina obilježava, ali se zna da je dugo. Jedan od razloga zašto se obilježava u našim krajevima je što su zime bile duge i hladne, pa se jedva čekalo proljeće, objasnio je Salčinović. Na Ćimburijadi su bili kao podrška i bh. olimpijac, atletičar Mesud Pezer i reprezentativac BiH u plivanju Amar Borić. Za prvo proljetno kupanje ove godine, nakon smrti Emiliijana Kneževića, bio je zadužen Zijad Zahirović, kojeg je pokojni Knežević proglašio za svog nasljednika.

## UČENICI DAROVALI KRV



U organizaciji Crvenog križa Grada Zenica u saradnji sa Transfuzijskim centrom Kantonalne bolnice Zenica u srednjoj Tehničkoj školi u Zenici provedena je akcija dobrovoljnog darivanja krvi kojoj se odazvalo 80 učenika, a prikupljeno je 36 doza krvi. Prema riječima Mirele Hodžić, tehničkog sekretara CK Grada Zenice, ovo je bila prva ovogodišnja akcija dobrovoljnog darivanja krvi za učenike završnih razreda srednjih škola u Zenici. Ona je istakla Tehničku školu kao dobar primjer uz objašnjenje da su škole partneri Crvenog križa u svim njihovim aktivnostima, da se prvi javljaju i rade svakodnevno sa aktivistima CK na promicanju ideje humanosti i solidarnosti.



## GILJOTINA PROPISA U KORIST BIZNISA



Projekat privlačenja investicija i poboljšanja poslovnog okruženja na lokalnom nivou - LIFE u Gradskoj upravi Zenica donijet će glijotinu propisa koja će ići u korist biznisa, izjavio je gradonačelnik

Zenice Fuad Kasumović nakon sastanka sa Edwardom Fergusonom, britanskim ambasadorom u BiH i delegacijom IFC-a koju je predvodila menadžerica projekta Ruvejda Aliefendić, predstavnica razvojne institucije pri Svjetskoj banci. Razlog posjete bio je razgovor sa prvim čovjekom Zenice o početku implementacije projekta LIFE, koji Grad Zenica implementira u saradnji s Međunarodnom finansijskom korporacijom - IFC, članicom Grupacije Svjetske banke, i u partnerstvu s britanskim ambasadom u BiH. - Trenutno su procedure u Gradskoj upravi komplikovane, a neke su stare i po 20-30 godina. Administrativne procedure trebaju svim

građanima, te ćemo neke od njih ukinuti, neke skratiti, a neke pojednostaviti, rekao je Kasumović, dodavši da Zenica želi postati najpovoljnije okruženje u čitavoj državi za privlačenje investicija. Ambasador Ferguson je istakao da mu je drago čuti da je Gradska uprava u Zenici spremna za glijotinu propisa u korist kompanija i biznisa, da onima koji tek počinju bude lakše i ekonomičnije startati, a onima koji djeluju da dalje razvijaju djelatnost. On je izrazio očekivanje da će i na federalnom nivou uslijediti aktivnosti na donošenju odgovarajućih zakona i amandmana te u konačnici otvoriti mogućnost online registracije kompanija

# TRAVNIK POZDRAVLJA TORNJAKA



Revijom i defileom pasa autohtone pasmine tornjak, Travnik je pozdravio konačnu odluku da ova pasmina bude konačno priznata od strane Međunarodnog kinološkog saveza (FCI). Na Generalnoj skupštini Međunarodnog kinološkog saveza (FCI) održanoj krajem prošle godine u Lajpcigu u Njemačkoj, priznat je zvanično bosankohercegovačko – hrvatski pastirski pas, tornjak. Povodom ovog zvaničnog priznanja tornjaka, u organizaciji Zavičajnog muzeja Travnik održana je revija pasa i defile Bosanskom ulicom, a dodijeljene su i brojne zahvalnice uzgajivačima i pojedincima za poseban doprinos na očuvanju i promociji autohtone pasmine pasa tornjaka. Iako je zvanično priznat kao bosankohercegovačko-hrvatski pas, autohtona pasmina tornjak, u najvećoj mjeri vezana je za plato planine Vlašić.



## IZMIT FINANSIRA OPREMANJE POROĐAJNOG ODJELA

Najljepša čestitka za 21. mart - Dan općine Travnik, stigla je iz Turske, iz bratskog grada Izmita. U Travniku potpisani ugovor za obnovu Porođajnog odjela JU Bolnice Travnik u sklopu manifestacije „Dani općine Travnik“. Travniku partnerska općina Izmit iz Republike Turske donirat će 300.000 eura za obnovu i opremanje Porođajnog odjela u JU Bolnica Travnik. Delegacija bratskog Izmita obišla je JU Bolnica Travnik, a posebno su se zadрžali na Porođajnom odjelu gdje je gradonačelnik dr. Nevzet Dogan, inače specijalista pedijatar po zanimanju, razgovarao sa direktorom JU Bolnica Travnik, prim.dr. Mirsadom Granovom i šeficom Ginekološko-porođajne službe, prim.dr. Fatimom Čurić - Ljevaković. Nakon toga potpisani je ugovor o finansiranju projekta koji će u naredna dva mjeseca biti realizovan.

- U vrijeme kada „bijela kuga“ prijeti BiH mi zahvaljujući našem prijatelju i kolegu dr. Nevzetu Doganu dobijamo poklon kojim rješavamo nešto što je rana ovog našeg društva. Dobijamo 300.000 eura kojim će biti obnovljen kompletan Porođajni odjel. Kada bude sve završeno to neće biti odjel za 21. nego za 22. stoljeće, rekao prim. dr. Mirsad Granov, direktor JU Bolnica Travnik.

- Naredna faza je povezivanje stručnjaka i liječničkog kadra iz Izmita i Travnik. Ovom projektu pristupam, prije svega, kao ljekar, humanista i specijalista pedijatar, pa tek onda kao gradonačelnik i političar!



Oduševljen sam brojem poroda, posebno prirodnih poroda i činjenicom da je ovo Bolnica prijatelj beba. Primjetio sam da se sa starom opremom radi izvrsno. Siguran sam da ćemo nakon realizacije ovog projekta stvoriti bolje uslove za majke i bebe prilikom poroda, ali da ćemo stvoriti bolje uslove za mlade specijaliste da nastave sa radom u svojoj domovini, rekao je dr. Nevzat Dogan, gradonačelnik Izmita. Prema riječima kantonalnog premijera Tahira Lende ovo je trenutno najveći projekat u oblasti zdravstva u Srednjobosanskom kantonu.

## DJECA ROĐENA 21. MARTA

U Općini Travnik ove godine upriličena je tradicionalna proslava rođendana za mališane koji su u proteklih šest godina rođeni na 21. mart – Dan općine Travnik, pod nazivom “21. mart mi je rođendan”. Torte, pokloni i druženje uz muziku i fotografisanje. Tarik, Sandi, Merjem, Marko, Nedžla, Ismar i Amila poklone su dobili od načelnika općine Admira Hadžiemrića i predsjedavajuće Općinskog vijeća, Vlatke Lukić. Pored poklona priređena je mala zabava uz pjesmice, tortu i gašenje svjeća. I načelnik i predsjedavajuća bili su u rođendanskom ruhu, pa su imali šeširići i tijaru sa označenim godinama.



# USVOJEM PROGRAM POLJOPRIVREDNE PROIZVODNJE

Gradsko Vijeće Zenice usvojilo je program mjera za unapređenje poljoprivredne proizvodnje u tekućoj godini. Za 20 oblasti bit će izdvojeno 600.000 KM, a pored standardnih uvedene su nove proizvodnje i to kozarstvo i ovčarstvo. – Uradili smo kriterije i potrebnu dokumentaciju tako da će poljoprivredni proizvođači imati sve spremno za apliciranje, kaže Senada Sejmenović viši stručni saradnik za poljoprivredu. Naša sagovornica je apelovala na poljoprivredne proizvođače da izvrše zakonsku obavezu ažuriranja podataka svojih gazdinstava koji ističe krajem ovog mjeseca. – Do današnjeg dana jako malo poljoprivrednika je izvršilo



tu obavezu, a mogu vam reći da će imati velikih problema za apliciranje kako za naše, tako i za poticaje sa kantonalnog i federalnog nivoa, zaključuje Sejmenović.

## KLIZIŠTE U RUJEVCU



U naselju Rujevci u mjesnoj zajednici Donja Gračanica aktiviralo se klizište koje ugrožava nekoliko stambenih objekata. Zora Jazvić čija se kuća nalazi na samoj ivici klizišta kaže da se prvo

pojavila jedna linija, a da je onda počelo sve naglo da tone. - Bratova kuća i ova ispod su direktno zahvaćene klizištem. Bojim se da ne uhvati i moju kuću, kaže Zora. Naša sagovornica kaže da u 63 godine, koliko živi na ovom mjestu, nije bilo problema i da se klizište pojavilo nakon što je prokopan put, koji se koristi za izgradnju tunela i vijadukta na koridoru Vc. Prokopavanjem puta i formiranjem deponije zemlje vjerovatno su zatvoreni odvodni kanali i zbog toga se pokrenulo klizište, ističe ona. Mještani su problem prijavili izvođaču radova Euro-asfaltu, te u gradsku službu.

## JAVNI POZIV PRIVREDNICIMA

Agencija ZEDA u saradnji sa sarajevskom regionalnom razvojnom agencijom SERDA organizovali su prezentaciju Challange fonda za inovativne poslovne ideje. Sanela Dževlan iz sarajevske agencije kazala je ovom prilikom kako na ovaj poziv mogu konkursati sva mikro, mala i srednja preduzeća. – Za početnike u biznisu grantovi su do 10.000 eura, a za one koji su već razvili biznis grantovi su do 30.000 eura. Ono što je važno naglasiti jeste da su svi koji dobiju ova sredstva dužni obezbjediti 50 posto sredstava kao vlastito učešće u projektu, kazala je Dževlan. Apliciranje je vrlo jednostavno preko on line platforme, a poziv je otvoren do 10. aprila



## PREDAVANJE U VISOKOM

U sali Općinskog vijeća Visoko poljoprivrednicima je održano edukativno predavanje na temu "Aktuelni radovi u zasadima jagodastog voća jagode i maline". Gost predavač bio je inžinjer poljoprivrede Asad Jelešković, dok se u uvodnom dijelu obratio stručni saradnik za poljoprivredu općine Breza Almin Operta, koji se zahvalio pokrovitelju.

## ČOLAKOVIĆ POSJETIO MUJANOVIĆA



U Velikoj sali zgrade općine Zavidovići uz prisustvo kantonalnog Ministra za boračka pitanja Fahrudina Čolakovića i općinskog načelnika Hašima Mujanovića uručena su rješenja o dodjeli stipendija studentima kojima je dodijeljena stipendija od Ministarstva za boračka pitanja za studijsku 2017/18. godinu. Ukupno 214 studenata ostvarilo je pravo na ovu stipendiju koja će u akademskoj 2017/18. godini biti isplaćena u osam jednakih rata u iznosu od 800 KM za studente prve godine, odnosno u iznosu od 1.200 KM za studente ostalih godina. Ove godine je broj stipendija za studente iz Zavidovića povećan za gotovo jednu trećinu u odnosu na ukupan broj dodijeljenih stipendija u akademskoj 2016/17.

# FERGUSON POSJETIO VAREŠ



Općinu Vareš posjetio je britanski ambasador Edward Ferguson i delegacija IFC-a, koji su zajedno sa općinskim načelnikom Zdravkom Maroševićem ozvaničili početak implementacije Projekta privlačenja investicija i poboljšanja poslovnog okruženja na lokalnom nivou - LIFE, koji će u Varešu provoditi Međunarodna finansijska korporacija - IFC, članica Grupacije Svjetske banke, u saradnji s Britanskim ambasadom u Bosni i Hercegovini. Implementacijom Projekta LIFE Općina Vareš će napraviti iskorak u podizanju konkurentnosti svoga privatnog sektora čineći napore na smanjenju troškova poslovanja, skraćenjem vremena potrebnog za pribavljanje dozvola i saglasnosti, te će dodatnim povećanjem transparentnosti u radu općinskih tijela uprave potaknuti privlačenje novih investicija i povećanje ukupnih poslovnih aktivnosti u ovoj općini.

## EDUKACIJA ZA POLJOPRIVREDNIKE

U maloj sali javne ustanove Kultурно-sportski centar Kakanj održana je teorijska edukacija iz oblasti jagodičastog voća i zaštite bilja o temama: „Aktuelnosti u proizvodnji maline“ i „Principi zaštite u intenzivnoj proizvodnji jagodičastog voća u odnosu na standarde u Evropskoj Uniji“. Predavači su bili dr. Adnan Maličević i Emir Sejdić. Edukaciju je prisustvovalo 80 poljoprivrednih proizvođača. Edukaciju je organizirala Općina Kakanj u saradnji sa Udruženjem poljoprivrednika Kakanj.



## UZVRATNA POSJETA DUVAČA KAKNJU

Projekat „Za građansko zajedništvo i interkulturnu saradnju“, u Kaknju je govorio Gradski orkestar Stolac. Riječ je o duvačkom orkestru koji je prošle godine u Stocu ugostio kakanjsku Rudarsku glazbu. U okviru projekta „Za građansko zajedništvo i interkulturnu saradnju“ kojeg podržava Ambasada Sjedinjenih Američkih Država u BiH, orkestar iz Stoca stanovnike Kaknja je obradovao nastupom na gradskom šetalištu, te ispred zgrade pošte. Gosti iz Stoca sa svojim

dirigentom Zvonkom Kneževićem izveli su program sadržan od niza popularnih i sveveremenskih kompozicija uz koje su građani Kaknja pomalo pjevušili i aplaudirali. Članovi dva orkestra, iz Stoca i Kaknja, organizirali su i višesatno druženje u Omladinskom centru. Gosti su izrazili zadovoljstvo gostoprimstvom Kakanjaca, te su izrazili želju da Rudarska glazba Kakanj bude njihov gost na ovogodišnjem festivalu „FEMUS“ kojeg podržava i OSCE.

## EKOLOŠKA AKCIJA U KAKNJU

Od 25.marta do 25.maja u Kaknju će biti realizirana velika, sveobuhvatna ekološka akcija pod nazivom "Grablje, vreće i rukavice, i svi u proljetne radne akcije". Akcije će se održavati nedjeljom, a realizatori će biti grupe volontera koje se organiziraju po mjesnim zajednicama i druge grupe volontera. Podršku akciji pružat će Općina Kakanj i javno preduzeće "Vodokom". Za sve akcije u mjesnim zajednicama "Vodokom" će osigurati kese i odvoz prikupljenih količina smeća. Pozvani su predstavnici mjesnih zajednica i svi drugi zainteresirani da planiraju akcije, da



pozovu mještane, komšije i prijatelje svih uzrasta i generacija u akciju, da odrede datume realizacije akcije, te da kontaktiraju "Vodokom" radi preuzimanja kesa za smeće i radi organizacije odvoza otpada.

## AŽURIRANJE PODATAKA U REGISTRU

Do sada je 373 korisnika ažuriralo podatke u Registru poljoprivrednih gazdinstava. U Šalter sali Općine Maglaj u toku je ažuriranje podataka u Registru poljoprivrednih gazdinstava i time se ostvaruje pravo za podnošenje zahtjeva za novčanu podršku u 2018. godini. Svi klijenti imaju rok do 31. marta da izvrše ažuriranje, uključujući i one koji prvi put se upisuju u navedeni Registar. Prema posljednjim



informacijama, do sada je podatke ažuriralo 373 korisnika u Registru, pa se pozivaju svi oni koji to nisu do sada obavili da imaju rok zaključno sa 31. martom tekuće godine, kako bi mogli aplicirati na poticaje svih nivoa.



## KONFERENCIJA „SOCIJALNI RAD U OBRAZOVANJU“

Povodom međunarodnog dana socijalnog rada, Savez socijalnih radnika Federacije i Fakultet političkih nauka iz Sarajeva uz podršku OSCE-a, organizovala dvodnevnu konferenciju „Socijalni rad u obrazovanju“. Učesnici konferencije koja se održala u Zenici i Sarajevu su bili socijalni radnici iz naše države i Srbije. Oni će tokom dvodnevnog druženja razmjeniti iskustva kada je oblast socijalnog rada u pitanju. Ovom konferencijom organizatori željeli su skrenuti pažnju na vrlo značajne teme kada je socijalna politika i socijalni rad u pitanju. – Imamo probleme redukcionizma u socijalnom radu. To znači da poslije rata smo došli u fazu gdje je socijali rad sveden na socijalnu zaštitu i unutar toga na socijalna davanja. To nije socijalni rad u biti i mi kroz ove konfrence želimo da izađemo iz ovog redukcionizma, kaže Mirnes Telalović, Predsjednik Saveza socijalnih radnika FBIH.

Možda se rad kod nas u Srbiji i ovdje u Bosni i Hercegovini razlikuje ali problemi i potrebe ljudi na ovim prostorima

su potpuno isti, kaže Ružica Jelisavac, predsjednica udruženja Asocijacija socijalnih radnika. – Balkanski savez nam je potreban zbog toga što hoćemo da znanje i iskustva podjelimo sa svim našim kolegama i da što bolje i kvalitetnije radimo kako bi nama kao profesionalcima bilo dobro, a ono što je suština jeste da bi krajnjim korisnicima socijalne zaštite koje na ovim prostorima na žalost ima sve više, da bi pomogli da oni koliko toliko dostojanstveno žive, objašnjava Jelisavac. Nivo prava socijalne zaštite u našoj državi se ostvaruje na kantonalnom nivou, ali stvarne potrebe socijalne zaštite i socijalnog rada su na lokalnim nivoima. – S toga je nama zadovoljstvo što Savez i udruženje nastoji na sve moguće načine unaprijediti rad. Gradska uprava će dati podršku svima da bi našim sugrašanima bilo što bolje, tvrdi Sumea Mujkanović, pomoćnica gradonačelnika za boračko-invalidsku, socijalnu zaštitu, stambene poslove i društvene djelatnosti.

## SATANAK MUJANOVIĆ - ŽIVKOVIC



Općinski načelnik Hajim Mujanović održao je sastanak sa sveštenikom Pravoslavne crkve u Zavidovićima Zoranom Živkovićem. Tema razgovora bilo je stanje vjerskih zajednica na području općine Zavidovići sa posebnim osvrtom na planirane aktivnosti tokom 2018. godine. Tom prilikom je od strane sveštenika Živkovića iskazana potreba zajedničke saradnje na organizaciji dvije značajne manifestacije od kojih je prva posjeta vladike Srpske pravoslavne crkve Vasilija Hrizostoma mitropolita planirana za 19. maj ove godine na području manastira Udrin koji je porušen 1690. godine na lokalitetu Gostovića. Drugi takođe značajan jubilej za koji je planirana manifestacija je 22. jula radi obilježavanja 90 godina od izgradnje srpske pravoslavne crkve u mjestu Stog, općina Zavidovići. Takođe tom prilikom od strane sveštenika Živkovića je iskazana zahvalnost Općinskom načelniku za prepoznavanje problema sa kojima je suočeno povratničko stanovništvo pravoslavne vjeroispovijesti, kao i za pruženu pomoć u rješavanju zajedničkih problema povratničke populacije.

## TAKMIČENJE LITERARNIH RADOVA

Povodom 6. aprila - Dana općine Breza, u prostorijama lokalne samouprave učenici osnovnih i srednjih škola sudjelovali su na takmičenju u pisaju literarnih radova na temu „Dok šetam brezanskim ulicama“. Učenicima su dobrodošlicu poželjeli načelnik Munib Zaimović i sekretar Općinskog vijeća Safet Zahirović. Najboljim

radom u kategoriji srednjih škola proglašen je sastav Azre Velić, učenice prvog razreda Gimnazije „Muhsin Rizvić“. Drugo i treće mjesto zauzele su gimnazijalka Emina Kadrić i učenica Mješovite srednje škole „Mehmedalija Mak Dizdar“ Belma Dervišević. Učenica Šejla Šahić autorica je najboljeg sastava u kategoriji osnovnih

škola, a dolazi iz Osnovne škole „Safvetbeg Bašagić“. Drugo mjesto pripalo je učenici istoimene škole Ermini Čorbo, dok je na trećem mjestu završio učenik Osnovne škole „Enver Čolaković“ Mahir Buljetović. Rad Azre Velić bit će pročitan na priredbi povodom Dana općine Breza.

# VEEEELIKA PROLJETNA AKCIJA!

# 15% POPUSTA

NA KOMPLETAN ASORTIMAN VODOMATERIJALA



**101<sup>00</sup>**

**38319**  
Daska za WC školjku KOLO MODO ultra tanka (L30114)  
Stara cijena: 119,00

**38298**

Daska za WC školjku soft-close KOLO NOVA PRO ovalna (M30112)  
Stara cijena: 88,00

**74<sup>80</sup>**



**151<sup>00</sup>**



**37<sup>90</sup>**

**33980**  
Vodokotlič niskomontažni-visokomontažni bijeli 6-9 L SANIT 928 U (91 905 01 S003)  
Stara cijena: 44,60



**292<sup>00</sup>**

**34278**  
Ugradni komplet SANIT (školjka KOLO IDOL,vodokotlič 995,aktivirna tipka sjaj krom S706,daska,zidni držači) (34046+33593+38353)  
Stara cijena: 334,50

**33607**

Školjka WC viseća RIMFREE bijela KOLO MODO (L33120000)  
Stara cijena: 366,00

**311<sup>00</sup>**



**36298**

Ormar 35x186 cm 2V bijeli FRAMINI DOMINO K2/A Lux (23383)  
Stara cijena: 177,00

**178<sup>00</sup>**



**298<sup>00</sup>**

**36665**  
Garnitura kupaonska 75 cm bijela FRAMINI OPTIMA A LUX (23181+23193)  
Stara cijena: 351,00



**163<sup>20</sup>**

Rimfree  
2L  
4L

**33590**  
Školjka WC viseća RIMFREE bijela KOLO NOVA PRO ovalna (M33120)  
Stara cijena: 192,00

**36308**

Ormar 35x186 cm 2V 2L bijeli FRAMINI DOMINO K2/A Lux (23382)  
Stara cijena: 209,50

**164<sup>00</sup>**



**33272**  
Bide viseći bijeli KOLO NOVA PRO ovalni (M351000)  
Stara cijena: 193,00

**Radno vrijeme**

🕒 08:00 - 18:00 sati  
✉ maloprodaja@ecos.ba  
📞 +387 30 717 613

## AKCIJA TRAJE 26.3.-15.4.



[www.ecos.ba](http://www.ecos.ba) **ecos**  
ZA STUPANJ VIŠE

**34830**

Baterija usadna jednoručna za umivaonik KLUDI D-VISE (371810590)  
Stara cijena: 100,60

**85<sup>50</sup>**



**35299**

Baterija tuš jednoručna KLUDI D-VISE (376820590)  
Stara cijena: 131,00

**111<sup>00</sup>**



**171<sup>00</sup>**



**20112**

Bojler električni 50 L 2000W ARISTON PRO ECO 50 V 2K (3200477-->3200753)  
Stara cijena: 201,30

**137<sup>50</sup>**



**20139**

Bojler električni 50 L 2000W TESY BI LIGHT (GCV 504420 B11 TSR) sa regulacijom  
Stara cijena: 161,50

**212<sup>00</sup>**



**31432**

Kabina tuš s kadom 120x90 x 1960 cm ROCCO  
Stara cijena: 405,00

**412<sup>00</sup>**



**54<sup>80</sup>**



**193<sup>00</sup>**



**20405**

Bojler kombinirani 50 L desni TESY BI LIGHT 2000W (GCVS 504420 B11 TSR)  
Stara cijena: 227,00

**179<sup>00</sup>**



**30025**

Kada akrilna AQUARIUS 140x70 sa sjedištem bijela AquaMax (0101004)  
Stara cijena: 212,00

**31604**

Kabina masažna 105x98x225 cm GREY2  
Stara cijena: 249,00

Akcijski se ne odnosi na već snizene proizvode. Popust od 15% odnosno se isključivo na gotovinsko plaćanje.

## BRANITELJI KOD ZOVKE



Općinski načelnik Mato Zovko u posjet je primio predstavnike Koordinacije udruga domovinskog rata HVO-a. Predstavnik Udruge dragovoljaca i veterana domovinskog rata i Udruge pripadnika postrojbe „Anto Bruno Bušić“. Predstavnici udruga su ukratko predstavili rad i ciljeve udruga, iznijeli plan rada za tenuku godinu kao i planirane projekte za 2018. godinu. Također su iznijeli i problematiku koja zahvaća braniteljsku populaciju. Pomoćnik općinskog načelnika Službe za opću upravu i društvene djelatnosti, Ilija Barešić i Dragan Galić su također prisustvovali sastanku. Djelatnici su predstavnike ukratko izvjestili o poslovima braniteljsko-invalidske zaštite koje Služba obavlja. Također su istaknuli važnost suradnje sa prisutnim udrugama i županijskim Ministarstvom za braniteljska pitanja. Općinski načelnik se zahvalio predstvincima udruga za suradnju sa općinskom administracijom, obećao potporu za sufinanciranje udruga, kao i potporu za predstavljene projekte, te zaželio što više uspjeha u dalnjem radu.

## STAMBENO ZBRINJAVANJE

U naselju Varda, iznad zgrade "Elektro-Kakanj", u posao će biti uveden izvođač radova na izgradnji šeste po redu zgrade socijalnog stavanja sa šest stanova u koje će biti smještene socijalno ugrožene porodice Roma. Radove čija je ukupna vrijednost 278.937,11 KM finansiraju Ministarstvo za ljudska prava i izbjeglice BiH i "Caritas" Švicarska, a u finansiranju radova učestvuje i Općina Kakanj. Izvođač radova je firma "GTR" d.o.o. Mostar. Rok za izgradnju je 120 dana.



Strategija razvoja općine Tešanj predstavlja ključni strateško-planski dokument kojim se usmjerava razvoj lokalne zajednice u tri najvažnija aspekta: ekonomskom, društvenom i aspektu okoliša. Ona je sistemski instrument za proaktivno i odgovorno upravljanje lokalnim razvojem i predstavlja objedinjeni, finalni rezultat faze planiranja i glavno polazište za fazu implementacije. Definisani su strateški fokusi za naredni period, te utvrđeni ciljevi i projekti sa mjerama za njihovo ostvarivanje. U izradi dokumenta vodeću

ulogu imao je Općinski razvojni tim, koji uključuje predstavnike više sektora (ekonomski, društveni i okoliš) i više različitih društvenih aktera (lokalna uprava i javne institucije, nevladin i privatni sektor). Razvojni tim se rukovodio Metodologijom za integrirano planiranje lokalnog razvoja u BiH (miPRO metodologija). Strategija razvoja 2018-2022. godine urađena je uz podršku Vlade Švicarske i Razvojnog programa Ujedinjenih nacija (UNDP), kroz projekat Općinskog okolišnog i ekonomskog upravljanja (MEG).

## IZGRADNJA MOSTA U TEŠNJU

U sali Općinskog vijeća Tešanj potpisana je Ugovor za izgradnju novog mosta na rijeci Usori u Jelahu. Ugovore su, u prisustvu Premijera ZDK i drugih zvanica, potpisati Direktor Kantonalne direkcije za ceste Refik Zeković i općinski načelnik Suad Huskić sa odabranim izvođačem radova. Ukupna vrijednost projekta je 1.737.435,95 KM. - Sretan sam da smo potpisali ugovor za novi most, jer postojeći most datira još iz 1949. godine. Općina Tešanj je vrlo aktivno sudjelovala, ali najčešću zaslugu za ovaj projekt nosi Vlada ZDK, Ministarstvo i Direkcija. Općina

Tešanj je od ukupnih sredstava potrebnih za realizaciju ovog projekta obezbjedila između 15 i 20 posto sredstva, kazao je načelnik Suad Huskić.

- Duzina novog mosta će biti oko 69 metara nosivosti 60 tona. Most će biti građen sistemom armirane betonske konstrukcije i imat će dvije trake širine po 3 metra. Most će zadovoljiti sve kriterije koji se zahtijevaju po standardima i smjernicama EU, istakao je direktor Kantonalne direkcije za ceste Refik Zeković. Rok za izvođenje radova je šest mjeseci.





## OKRUGLI STOL: PREVENCIJA NASILJA NA INTERNETU

Prevencija nasilja putem interneta bila je tema okruglog stola održanog u Prvoj gimnaziji. Najčešći oblici nasilja putem interneta su uvrede, klevete i tzv. ogovaranje. – Sve ovo dešava se putem interneta, ali se ono prenosi u školu. Problem začet izvan škole svoju refleksiju doživljava u školi, kaže pedagog Edina Kos-Burić.

- Prevencija unutar škole je jedini način, ali isto tako moramo educirati i roditelje da svoju djecu prate što rade na internetu kako bi mogli preventivno djelovati, ali i mi profesionalci moramo zaštiti tu djecu, kaže Emina Babić socijalni pedagog. U prevenciju internet nasilja Institut za zdravlje i sigurnost hrane se uključio zajedno sa Bosanskim narodnim

pozorištem kroz predstavu Fejsbukovci – degeneracija. – Nastojali smo ovu predstavu prikazati u svim školama, međutim, nismo mogli s obzirom da se ona mora igrati na sceni. Govrila je o nasilju na internetu na jedan drugačiji način. Primjenili smo alternativne metode zdravstvenog odgoja tako da to nije bilo samo puko prezentovanje i pričanje. Predstava nije imala tekst nego je kroz pokret, ples i gestkulaciju prezentovala ovu problematiku, kaže Nino Hasananica iz Instituta za zdravlje i sigurnost hrane. Zaključci sa okruglog stola trebali bi rezultatirati strategijom u smislu preveniranja nasilja na internetu.



Povodom 21.marta Dana općine Doboju jug uručena su priznanja pojedincima i ustanovama:

- Plaketa općine: Šećić Nijaz - za izuzetan angažman i doprinos u odbrani, obnovi i izgradnji općine Doboju Jug
- Zlatna značka: "Kamelia" d.o.o. Doboju Jug - za uspješno poslovanje, te razvoj općine Doboju Jug na privrednom, kao i
- drugim područjima života i rada
- Pismena zahvalnica: Mujaković Ermin iz Matuzića - za profesionalnost, kvalitetno i efikasno pružanje usluga građanima, te istaknutu društvenu aktivnost,
- Udruženje građana civilnih žrtava rata - za nesebičnu humanitarnu pomoć iskazanu u poplavama, te razvoj lokalne zajednice kroz implementaciju projekata,
- Hatkić Hajrudin iz Doboja - za izuzetnu hrabrost i nesebično zalaganje u odbrani domovine, te povratku raseljenih i pomoć povratu imovine boračkim kategorijam,
- Tarabar Amer iz Matuzića - za nesebično zalaganje i hrabrost prilikom spašavanja građana u poplavama, te aktivno učešće u svim društvenim tokovima u općini Doboju Jug,
- DVD Doboju Jug - za izuzetan doprinos i angažman u spašavanju ljudi.

## ČIŠĆENJE PODVOŽNJAKA



Učenici Međunarodne srednje škole upriličili su akciju čišćenja podvožnjaka ispod magistralnog puta M17 i željezničke pruge, a koji koriste pješaci iz Radakova i Lukovog Polja. Velike količine smeća koje su u akciji prikupili učenici odvezli su uposlenici komunalnog preduzeća Alba. Učenici su tokom akcije djelili letke prolaznicima s ciljem da ih upozore na važnost čuvanja životne okoline, ali opasnosti prelaska pruge i magistralnog puta.

## ŽEPČU BFC CERTIFIKAT



U 2018. godini Općina Žepče donjela je Odluku da pristupi procesu recertifikacije za dodjelu BFC certifikata za povoljno poslovno okruženje. Posao oko pripreme općine Žepče u novom procesu dodijele BFC certifikata dodijeljen je Razvojnoj agenciji Žepče koja je isti posao obavljala i prvi puta kada je Općina Žepče uspješno ispunila sve tražene kriterije. Međunarodni certifikat za povoljno poslovno okruženje - BFC certifikat Općina Žepče uspješno je dobila krajem 2015. godine, uz obvezu da se svake tri godine vrši recertifikacija. Regionalno vijeće za dodjelu BFC certifikata utvrdilo je da su ispunjeni svi kriteriji (12) i pod kriteriji (80) i donijelo zvaničnu odluku da se Općina Žepče pridruži užem krugu certificiranih općina s povoljnim poslovnim okruženjem u Jugoistočnoj Europi.

# RAZVOJ TURIZMA U VISOKOM



Historijska Konferencija o razvoju turizma na području visočke općine iskorištena je kao prilika da se javnost informiše o dosadašnjim aktivnostima koje imaju za cilj da Visoko učvrste na samom vrhu nezaobilaznih turističkih destinacija.

- Turističko vijeće općine Visoko je prvo turističko vijeće na području BiH formirano u koordinaciji između institucija, Općine Visoko i privatnog i javnog sektora. Održali smo prvu konstitutivnu sjednicu, a u budućnosti očekujemo mnogo radionica i konkretnih zaključaka, uz aktivnosti koje će se provoditi na terenu. Saziv Turističkog vijeća vjerovatno ćemo proširivati sa još ponekom djelatnošću i interesnim grupama koje svoju šansu vide kroz razvoj turizma na području općine Visoko, objasnila je načelnica Amra Babić i pozvala sve one koji to žele da prijave svoje smještajne kapacitete i na taj način postanu dio sistema, ali i ostvare materijalnu i svaku drugu korist bilo kao pojedinci, privredni subjekti ili udruženja.

## POSJETA STRIJEZEVU

Mjesna zajednica Strižnjevo koja se nalazi na području općine Vareš i broji oko 500 mještana bila je domaćin sastanka između predsjednika mjesne zajednice i predstavnika vlasti Općine Vareš, kao i ministarstva ZDK na kojem se razgovaralo o aktualnom stanju unutar mjesne zajednice i općim problemima sa kojima se suočavaju mještani. Rad predsjednika Mjesne zajednice Strižnjevo ocijenjen je kao pozitivan.



## DAN CIVILNE ZAŠTITE

Povodom prvog marta Dana Civilne zaštite, Kantonalna uprava Zeničko-dobojskog kantona organizovala je svečanost na kojoj su sumirani rezultati rada, te dodjeljena priznanja najzaslužnijim pojedincima i organizacijama. Priznanja su dodjeljena za uloženi rad, zalaganje i ostvarene rezultate u zaštiti i spašavanju ljudi i materijalnih dobara od prirodnih i drugih nesreća. – S obzirom da u proteklim godinu dana nismo imali prirodnih nesreća taj period smo iskoristili da ojačamo strukture zaštite i spašavanja, te da provodimo obuke i opremanje. U protekloj godini imali smo pet takvih obuka za različite službe. Na taj način htjeli smo da podignemo našu obučenost i gotovost, a također u prošloj godini izdvojili smo zna-

čajna sredstva za opremanje općinskih službi, ali i kantonalne službe, kazao je direktor Civilne zaštite Zeničko-dobojskog kantona Džavid Aličić.

Pismene pohvale ovom prilikom dobili su: Džavid Aličić, načelnik Kantonalnog štaba civilne zaštite ZDK, Ferid Mujčić, DVD Breza, Senahid Ibrahimović, DVD Oovo, Merisa Kaljanac, CZ Oovo, Arif Mujkanović i Enes Arifagić, Profesionalna vatrogasna jedinica Maglaj, Dobrovoljno vatrogasno društvo Dobojski jug. Pismenim zahvalnicama nagrađeni su: Sportsko-rekreativni klub Bosna Zenica, članice Službe za spašavanje na vodi i pod vodom, te sa visina iz Zavidovića i to Udruženje rafting klub Krivaja i Sportski i naučno-istraživački klub Atom.

## MUJANOVIC SE SASTAO SA ZEKOVICEM

U Kabinetu općinskog načelnika Hašima Mujanovića održan je sastanak sa direktorom Kantonalne direkcije za ceste Zeničko-dobojskog kantona Refikom Zekovićem s ciljem utvrđivanja potrebe za realizacijom projekata koji su u nadležnosti navedene Direkcije. Prije svega su utvrđene obaveze Općine Zavidovići i Kantonalne direkcije u vezi sa izgradnjom kružnog toka na raskrsnici ulice „Pinkasa Bandta“ i ulice „Krivajska“. Takođe je istaknuto da je u toku raspisivanje javnog poziva za sanaciju dugogodišnjeg klizišta na skretanju uz rijeku Gostović na 7. kilometru, sanaciju klizišta na 6. kilometru, izgradnju



mosta na 13. kilometru, te redovno održavanje putne komunikacije na regionalnim cestama uz rijeku Krivaju i u pravcu općine Maglaj. Realizacija izgradnje kružnog toka je već započela od strane Općine Zavidovići, te je izdata urbanistička saglasnost i nakon izdavanja odobrenja za građenje započet će realiziranje i samih građevinskih radova čije okončanje očekujemo tokom ove godine. Od strane Općinskog načelnika sugerisano je da se iznađu mogućnosti i za izgradnju kružnog toka na centralnoj raskrsnici kod gradskog mosta.

# MADEROTERAPIJA I HIDŽAMA ZA ZDRAVLJE I BOLJI IZGLED

*Tradicionalne terapeutske metode i vještine koje pozitivno utiču na zdravlje i bolji izgled u posljednje vrijeme su sve popularnije. Travničanka Adila Horić, magistrica fizioterapije, uz znanja iz oblasti medicine već neko vrijeme primjenjuje tradicionalne metode maderoterapiju i hidžamu.*

Maderoterapija ili terapija drvetom je sve popularnija kod nas, a i svijetu. To je jedan oblik masaže koji je razvijen u Južnoj Americi, a kod kojeg se za izvođenje pokreta koriste specijalni masažeri napravljeni isključivo od drveta.

- To je jedan vid antiselulit masaže koji se izvodi specijalno dizajniranim drvetom, oklagijama. Ja sam za ovu vrstu terapije čula od kolegica, a kako sam završila fizioterapiju mislila sam da bi uz znanja koja posjedujem bilo dobro da uvedem i nešto novo, priča nam Adila. Prve reakcije i interes su dobri, kaže nam Adila, s obzirom da se radi o jednoj novoj metodi u Travniku i srednjoj Bosni.

- Pozitivno sam iznenađena jer smo mi jedna mala sredina i dosta je zainteresiranih za maderoterapiju, ističe Adila.

## Višestruki učinak

Maderoterapija nije samo antiselulit terapija, nego ima i brojne druge pozitivne učnike za ljudsko zdravlje.



- Uvijek naglašavam da je to u potpunosti prirodna terapija kojom se postiže detoksikacija organizma, relaksira i tijelo i um, ali i ubrzava metabolizam, te oblikuje i smanjuje obim tijela. Tokom terapije veoma je važno unositi vodu kako bi se postigao efekat, pojašnjava naša sagovornica.

Rezultati sa prvim klijentima su dobri, a najvažnije je pridržavanje uputa koje dobiju vezanih uz unos vode u organizam i kretanje. Tretmani se rade u serijama, a u jednoj seriji je deset tretmana.



## „Terapija oklagijama“

Postoji oko 20 drvenih alata za masažu metodom maderoterapije, a većina podsjeća na modifikovane izrezbarene oklagije i rolere. Tako je često u upotrebi i naziv "masaža oklagijama". Međutim, nije u pitanju ono kuhinjsko pomagalo koje svi imamo kod kuće, nego nešto slično.



## Hidžama

Hidžama je medicinska metoda koja spada u domen male hirurgije. Predstavlja metodu lokalnog puštanja krvi. Izvodi se zarezivanjem kože, sterilnim i jednokratnim instrumentarijem, te vakum sukcijom u određenim regijama. Na pomenuti način se eliminise sadržaj iz podkožnog tkiva.

- Smatra se da je krv, koja leži pod kožom, puna toksina i da to može izazvati bolnost. Oni se na pomenuti način evakuiraju iz organizma. Savremene naučne medicinske studije, koje se provode u svijetu, pokazale su da postoji evidentna razlika u sastavu kapilarne krvi uzete iz prsta i one uzete prilikom hidžame. Laboratorijski nalazi pokazuju tu razliku. Eliminisana masa sadrži 80 – 90 posto biološkog i hemijskog "otpada", a samo 10 - 20 posto krvnih elemenata, pojašnjava nam Adila.



Biološke materije koje moramo eliminisati nastaju kao proizvodi našeg metabolizma, a intenzivnije se stvaraju kao posljedica stresa, nekretanja te štetnih životnih navika kso što su nespavanje, pušenje i sjedeći način života. Hemijske otpadne materije su toksini koje u organizam unosimo hranom, vodom i zrakom.

# RTV ZENICA - „UVIJEK PRIJE SVIH!“

Posljednjih nekoliko mjeseci trajale su pripreme za puštanje u eter novog vizuelnog identiteta programskih sadržaja Radio-televizije Zenica. Od Dana Zenica, 20. marta, RTV Zenica je počela sa novom programskom šemom, inoviranim vizuelnim identitetom i novim licima koja svakodnevno donose svježe informacije iz svijeta kulture, umjetnosti, sporta, politike i društva, a gledaoci program prate u kvalitetnijoj, HD rezoluciji u mreži Telemacha, na novom HD kanalu – RTV Zenica HD, na poziciji 30. Uskoro se očekuje raspisivanje konkursa za izbor novog zaštitnog znaka, a u planu je i audicija za volontere koji će moći steći vrijedna iskustva u radu sa dugogodišnjim novinarama, voditeljima i tehničarima, te gledaocima ponuditi nešto novo.

## Novi pristup informativnom programu

Radio-televizija Zenica, od Dana Zenice, emituje bogatiji i dinamičniji program dnevnih vijesti, sa akcentom na pojedince, grupe i institucije u Bosni i Hercegovini. Centralna informativna emisija, koja ima novi naziv – „ZenicalInfo“, emituje se u novom terminu – od 18 sati i 40 minuta.



Vijesti se emituju svakodnevno u 12 i 15 sati, po potrebi vanredno, u specijalnim izdanjima Vijesti dana i emisiji „ZenicalInfo Plus“, u terminu od 19 sati. Repriza centralne informativne emisije ostala je u istom terminu – od 22.30, a zadržana je i saradnja sa partnerskim rtv kućama, na realizaciji zajedničkih projekata, kao što su BH Veza od 17 i BH Dnevnik u 21 sat.

Pristup ‘uvijek prije svih’ primjenjuje se i u programu Radija Zenica, koji emituje vijesti iz sata u sat, a voditelji novim pristupom vođenju radijskog programa, u konstantnom ‘one man show-u’,



non-stop su uz svoje slušaoce. Urednički kolegij odlučio se za isti pristup na Televiziji Zenica.

## Novi programski sadržaji i promjena termina TV oglašava



Sa emitovanjem je počela kontakt emisija ‘Četvrtkom javno’, koja se realizuje sa ostalim javnim preduzećima i ustanovama Grada Zenica, a kako bi korisnicima javnih usluga omogućili direktnu komunikaciju sa direktorima tih preduzeća i ustanova. Utorkom se emituje autorska emisija glumca, Harisa Burine ‘It is Zenica’, a uskoro će sa emitovanjem početi i Jutarnji program Televizije.



Bitno je napomenuti da se glavni termin jednog važnog segmenta programa – TV Zenica oglašava, u okviru kojeg je i rubrika malih oglasa, blok umrlica i tužnih sjećanja na Televiziji Zenica, u novoj programskoj šemi emituje od 18 sati, sa repriznim terminom u 22 sata.

U cijelini, u projekt redizajna programskih sadržaja, informativnog programa i Multimedijalnog deska, Radio-televizija Zenica je uložila mnogo iskustva i kreativnosti, a to je samo uvod u izmjene cijelog programa Radio-televizije Zenica. Novi pristup i planovi su dio strateškog opredjeljenja da gledaoci dobiju najbolje moguće sadržaje, zbog kojih će željeti pratiti program RTV Zenica, a poslovni partneri imati dobrog saradnika.

Novi pristup, koji je svojim dolaskom uveo direktor Nandino Škrbić, rezultirao je cijelodnevnim live programom povodom Dana Zenice u okviru kojeg je relizovan zahtjevan specijalni program, a po prvi put je korišteno javljanje linkom sa terena.

Na ovaj način RTV Zenica je još jednom postavila standarde u Gradu Zenica kada je segment informisanja u pitanju. Portal „zenicalinfo.ba“ za samo nekoliko mjeseci postao je najčitaniji internet medij u gradu.



*Sretan  
Uskrs!*



JAVNO PREDUZEĆE  
**VODOVOD I KANALIZACIJA**  
d.o.o. Zenica

**ALBA** 

„ALBA Zenica“ d.o.o. Zenica  
Sarajevska bb, 72 000 Zenica  
Tel: + 387 32 442 840  
[www.alba.ba](http://www.alba.ba)

*Sretan  
Uskrs*



# KNJIGA PRIČA RABIJE MAMELEDŽIJA



„Ko su moja djeca“, naslov je knjige priča o tornjacima autorice Rabije Mameledžija koja je promovisana u Centru za kulutur Travnik u okviru manifestacije „Dani općine Travnik“. Promotori su bili Aten Salkić, Fatima Maslić, Slobodan Ličanin i Anto Zirdum.

Priče u novoj knjizi Rabije Mameledžija posvećene su autohtonoj pasmini, bosanskohercegovačko – hrvatskom pastirskom pasu, tornjaku. Knjiga je objavljena u izdanju Izdavačko – štamparske kuće „Planjaks komerc“. Autorica Rabija Mameledžija do sada je objavila sedam knjiga: „Gašinci“, „Vrijeme zanosa“, „Kad porastem bitću i ja“, dvije knjige poezije za dječcu „Školska torba“ i „Dječiji svijet u stotinu slika“, zbirke pripovijetki „Starac Vlašić i njegova djeca“ i „Ulica jorgovana“.

Priče su joj objavljivanje i u zbornicima „Bosna srebrna“, „Slavin poj“ i „Pismo balkanskih žena“.



## ROMEO I JULIJA

Predstava „Romeo i Julija“, rađena po tekstu Williama Shakespearea i dijelovima teksta Arthurisa Brookea, u režiji Selme Spahić, premijerno je izvedena u Bosanskom narodnom pozorištu Zenica u okviru programa obilježavanja Svjetskog dana pozorišta. Premijera je i dio programa 23. međunarodne kulturne manifestacije Zeničko proljeće. U ulozi Romea publika je vidjela višestruko nagradivanog mladog glumca BNP-a Zenica Enesa Salkovića, dok je lik Julije tumačila mlada crnogorska glumica, Kotoranka, Lidiya Kordić, studentica na Akademiji scenskih umjetnosti Sarajevo. Uz njih, uloge u predstavi ostvarili su i Muhamed Bahonjić, Urabela Agić-Burina, Saša Handžić, Benjamin Bajramović, Faketa Salihbegović-Avdagić, Nusmir Muhamović, Zlatan Školjić, Adis Mehanović, Siniša Vidović, Selma Mehanović i Alban Ukaj. U predstavi učestvuje i devetnaestero mladih iz Zenice, koji su odabrani na audiciji i donose sasvim novi pogled na teme ove drame: Ahmed Jašarević, Ajla Smajić, Amila Heralić, Amir Mrkonjić, Ana Kulier, Anes Dedić, Belma Jaganjac, Emina Hadžić, Haris Kestenović, Iman Bubić, Imran Maglajlić, Ismar Spahić,

Jalal Romano, Lamija Salihović, Mahira Beganić, Muamera Horozović, Nejra Mulić, Saudin Gak i Vildana Bašić. Scenografiju predstave potpisuje Mirna Ler, scenski pokret je povjeren Thomasu Steyaertu, a kostimografija Hatidži Nuhić. Kompozitor muzike je Draško Adžić, profesor na Fakultetu muzičke umjetnosti u Beogradu i član Beogradske filharmonije. Predstava „Romeo i Julija“ je već ušla u zvaničnu selekciju jednog od najvećih ljetnih teatarskih festivala u regionu, Grad teatra Budva. Ovo je prva scenska postavka „Romea i Julije“ u 68 godina dugoj historiji Bosanskog narodnog pozorišta Zenica. Prethodno su u Zenici postavljeni Shakespeareovi komadi „Nazovite koga hoćete“, „Mletački trgovac“, „Othello“ i „San ivanjske noći“, čija je premijerna izvedba bila još 1979. godine, što je jedno i posljednja scenska postavka Shakespeareovog djela u zeničkom teatru. Hazim Begagić, direktor BNP-a, rekao je da je ovo 723. premijerna izvedba u ovom pozorišnoj kući. Premijerom „Romea i Julije“ obilježeno je i 40 godina od useljenja u sadašnju pozorišnu zgradu.

## TRAVNIČKE POZORIŠNE SVEČANOSTI

Pozorište Travnik u koprodukciji sa Centrom za kulturu općine Travnik i ove godine organizovalo je manifestaciju „Travničke pozorišne svečanosti“. Sve predstave i sadržaji ove manifestacije održat će se na Kamernoj sceni Centra za kulturu u zgradbi Pozorišta Travnik koja je obnovljena i ponovo stavljena u funkciju. - Imamo stalna ulaganja u tehniku i prostorne kapacitete. Sklopljen je i ugovor sa Muzičkom školom iz Makarske, a ovaj Festival uradili smo u koprodukciji sa Pozorištem Travnik, rekao je Taik Ganić, direktor Centra za kulturu Travnik. Maja Đurić - Zahirović, menadžerica Pozorišta Travnik naglasila je kako će



ovogodišnja manifestacija ponuditi deset predstava uz dvije profesionalne glumačke radionice, te gostovanje prijatelja iz

Makarske i specijalnog gosta Zijaha Sokolovića. Travničke pozorišne svečanosti otvorio je načelnik općine Travnik Admir Hadžiemrić, a simbolično su ih najavili članovi Muzičkog društva Travnik uz fanfare. Ljubitelji teatra na početku su imali priliku da pogledaju monodramu „Sedam kora ili jedan sasvim običan radni dan“ u izvedbi glumca Mateja Baškarada iz Pozorišta Travnik. Autor teksta i muzike za ovu predstavu je Taik Ganić. Ova kulturna manifestacija traje do 7. aprila.



## TALENTOVANI VIOLINISTA

Daniel Marić 18-godišnji je iznimno talentovani violinista iz Zenice, koji nakon završene Srednje muzičke škole u svom gradu namjerava upisati Muzičku akademiju. Posljednja nagrada, koju je u disciplini solo violina osvojio početkom marta na 3. internacionalnom festivalu muzike Primavera u Bijeljini, pokazala je da dobar rad u školi i talenat moraju donijeti dobar rezultat. Osim Marića, na ovom takmičenju još šest učenika zeničkog SMŠ-a osvojilo je nagrade: Ermin Aščerić je osvojio prvu nagradu u disciplini solo pjevanje, Samed Dželo u istoj disciplini, obojica u klasi profesorice Vesne Košpo, Iman Karabeg, Lorena Marković i Ilma Valentić, osvojile su takođe prve nagrade u disciplini solo violina, zajedno sa Danielom, a sve četvero su u klasi profesorica Melise Karić i Sanje Rokić, dok je Amila Tulić u disciplini solo violina osvojila treću nagradu, a ona je u klasi profesorice Vesne Košpo. Klavirska pratnja učenicima

na takmičenju bila je profesorica klavira i korepeticije Maida Ibrahimagić. Na takmičenju u Bijeljini su bile prijavljene 62 škole, na violinu je bila zaista velika konkurenca. - Ova posljednja nagrada na takmičenju u Bijeljini predstavlja za mene rezultat dosadašnjeg rada. Prije ove nagrade osvojio sam drugu nagradu u violinu na 2. međunarodnom takmičenju gudača Zlatne stepenice u Valjevu, u maju 2017., drugu nagradu na 20. otvorenom federalnom takmičenju učenika i studenata muzike u Čitluku u aprilu 2017. i prvu nagradu na 7. otvorenom kantonalm takmičenju muzičkih škola u Zenici u martu prošle godine, kazao nam je Marić. Daniel Marić četvrti je razred Srednje muzičke škole. Rekao nam je da planira nastaviti školovanje, da želi upisati Muzičku akademiju - smjer violina. Violinu svira od šeste godine, kada se prvi put susreo sa profesoricom Stojnom Mladenov, sa kojom radi i dan-danas.

## DIVANHANA KREĆE NA KONCERTNU TURNEJU



Nakon što je nedavno javnosti prezentovao zanosnu izvedbu sevdalinke "Kafumi, draga, ispeci", kao prvi singl sa novog albuma, bosanskohercegovački sevdah bend Divanhana kreće sa koncertnom promocijom četvrtog diskografskog

izdanja čije objavlјivanje je planirano za početak aprila. Novu konceretu sezoni otvaraju 14. aprila u Sarajevu (Bosanski kulturni centar), nakon čega slijede koncerti 15. aprila u Tuzli (Bosanski kulturni centar), te dan kasnije, 16. aprila u Zenici (Bosansko narodno pozorište), a kao specijalnu gošću na pomenutim koncertima najavljuju popularnu tursku glumicu i pjevačicu Suzan Kardeş. Kao i svaki put do sada, koncertnu godinu počinju u BiH, a na sceni, pored članova benda i dama Naide i Suzan, pridružit će im se i gostujući muzičari iz Turske koji su ranije svoje note upisali na Divhaninom novom disku.

## ČETIRI PJESENKA/ INJE U KLUBU PLAVA PALETA



Protekli period u zeničkom klubu Plava paleta obilježila su dva događaja, prvi je bio druženje sa pjesnikinjom Tatjanom Tomić, a drugi poseban program Tri pjesnika, tri grada & Plava paleta. Druženje sa Tatjanom Tomić bilo je jedan od uobičajenih poetskih susreta u Plavoj paleti, s tom razlikom što je brojnost publike ukazivala na to da je ovo neobičan susret u Plavoj paleti. Tako su mjesto u publici popunili i gosti iz Sarajeva, Gornjeg Vakufa, Bugojna, Donjeg Vakufa..., što je bilo ohrabrujuće za pjesnikinju, koja je do sada radeve objavljivala u regionalnim književnim zbornicima. Tatjana Tomić je, kako je objasnio domaćin u Plavoj paleti, književnik Emir Sokolović, pjesnikinja sa čijom se poezijom sreо kad je aplicirala na treće izdanje međunarodnog književnog festivala Pero Živodraga Živkovića. Njena intrigantna poezija, kako je objasnio, koliko god depersonalizovana, donosi previše autoričinog senzusa. Gost Tatjane Tomić bio je pjesnik Mirsad Bilajac, a večer je muzičkim nastupom zakružio kantautor Hišam Jusufović Hiso. Program Tri pjesnika, tri grada & Plava paleta klub Plava paleta je na određen način preuzeo, jer se ranije održavao u Gornjem Vakufu, Bugojnu i Donjem Vakufu. Ideja je to pjesnika iz pomenutih gradova: Vernese Manov, Nijaza Rijanca i Ensara Bukarića. Pjesnikinja i dva pjesnika predstavili su se izborom svojih stihova.

# KENGUR U FRANCUSKOJ



Košarkaški klub Kengur iz Zenice i ove godine će učestvovati na međunarodnom turniru u Francuskoj. Ovo je 13. izdanje turnira TIAM i Kengur je jedan od klubova iz regionala koji redovno dobija poziv za učešće. Na turniru će osim domaćina nastupiti ekipa iz Španije, Italije, Hrvatske, Poljske, Belgije i Bosne i Hercegovine. Turnir se igra u kategoriji dječaka rođenih 2003./2004. godine. Ekipa Kengura na put u Francusku krenula je 28. marta u večernjim satima i pored takmičarskog dijela posjetit će kulturne, sportske i historijske znamenitosti više gradova. Ekipu će voditi trener Jasmin Efendić, a zajedno sa dječacima iz Kengura će putovati i košarkaški klubovi Realway i Osijek. Kengur i grad Zenicu će na ovom turniru predstavljati: Dino Merdanović, Sanin Bašić, Dino Dizdarević, Asmir Džananović, Džan Halilović, Faris Salčinović, Boris Stupnišek, Petar Fedoš, Andrej Buhić, Amar Delić, Tarik Ibrahimović i Kenan Salkanović.



# PEZER I BORIĆ U POSJETI ŠTIĆENICIMA DOMA-PORODICE

Javnu ustanovu Dom-porodica Zenica danas su posjetili BH sportisti, bačac kugle Mesud Pezer i plivač Amar Borić. Oni su ovom prilikom uručili donaciju u vidu veš maštine, a mališanima su uručeni i pokloni. Posjeta Domu-porodici izazvala je emocije i kod sportista, jer se prvi put na ovaj način druže sa djecom.

Direktorica, Draženka Subašić izrazila je zadovoljstvo ovim gestom naših sportista i pozvala i druge da slijede ovaj primjer. Bosna i Hercegovina je po mnogo čemu specifična zemlja pa i po tome da su sportisti došli da obraduju štićenike Doma-porodice sa vrijednom donacijom. Ono što je bitnije od same donacije jeste njihova posjeta i vrijednosti koje oni promoviraju, a to je da su vrijednosti u smislu takmičenja i zalaganja da se postigne rezultat bitniji od onoga što današnjica nudi, a to su razni poroci, – kazala je di-

rektorka Draženka Subašić. Mesud Pezer je istakao da je mnogo sretan što je imao priliku družiti se sa mališanima iz Doma i porodice. Zahvaljujem se svojim sponsorima što su mi omogućili da uručim ovu donaciju i da se družim sa djecom kako bi ih podržao da budu što bolji ljudi i kako bi sutra neko od njih mene mogao zamjeniti, – kazao je Pezer.



# ZENIČKI CENER

Udruženje za razvoj i podršku planinarstva i sportskog turizma „Vedro“ iz Zenice u sklopu svoje posebne Sekcije „Zenica trči“, posvećene promociji rekreativnog trčanja, organizuje rekreativnu utrku na 10km. S obzirom da su i sami veliki ljubitelji trčanja i smatraju da Zenici nedostaje aktivnosti iz ovog područja odlučili su nešto poduzeti po tom pitanju. Utrka je prvenstveno namijenjena rekre-

ativcima, ali naravno svi su dobrodošli. Staza će prolaziti kroz najljepše dijelove Zenice pa su organizatori obećali da ćete uživati tokom cijele utrke. - Potrudit ćemo se da doživite nezaboravno iskustvo ispunjeno pozitivnom energijom i adrenalinom. Vidimo se 14.04.2018. godine u 20:00 h na glavnom Zeničkom trgu i šetalištu u samom centru grada, poručili su.





## RAGBI KLUB ČELIK PROSLAVIO 46. ROĐENDAN

Ragbi Klub Čelik Zenica, jedan od najtrofejnijih sportskih kolektiva u Bosni i Hercegovini, 8. marta je proslavio 46. rođendan. Radi se o prvom ragbi klubu u našoj zemlji, a osnovala ga je grupa istaknutih zeničkih intelektualaca sa Nezirom Odićem, Abdulahom Sarajlićem, Hakijom Haramandićem, Askom Tarabarom, Muhamedom Talićem, Raifom Hadžićem i Emirom Salčinovićem na čelu. Ipak, najpoznatija ličnost koja je vezana za ragbi sport jeste Suad Kapetanović, koji je tada igrao za RK Zagreb. Na sastanku 5. marta 1972. u prostorijama željezarske kasine, Suad Kapetanović je prikazao informativne materijale o ragbi sportu i pritom je zakazan termin za prvi trening kluba. Prvi predsjednik kluba je bio Nezir Odić, a potpredsjednik Abdulah Sarajlić Dulče. Prvobitni naziv kluba je bio Ragbi klub Zenica, dok od 1978. nosi današnji naziv. Historijski datum za Ragbi klub Čelik predstavlja 8. mart 1972. godine, kada je održan prvi trening na pomoćnom

terenu stadiona Blatuša. Na treningu je prisustvovalo oko 40-ak zainteresovanih, a trening su vodili Kapetanović i Hadžić. Prva test-utakmica je odigrana 20. septembra 1972., a protivnik je bila kombinovana ekipa Nade iz Splita i Energoinvesta iz Makarske. Zenički klub je izgubio ovu utakmicu, a prvi skor u historiji kluba je postigao Sulejman Šabanović Frenki. Početkom osamdesetih godina 20. vijeka dolazi do jačanja kluba, što dovodi do osvajanja prvog Seniorskog prvenstva Jugoslavije u sezoni 1981/1982. Nakon toga, dolazi niz od sedam osvojenih prvenstava i šest osvojenih kupova maršala Tita. Tokom osamdesetih godina Čelikovi igrači postaju okosnica reprezentacije Jugoslavije i mnogi od njih uspešno nastavljaju karijeru u klubovima širom Evrope. Ragbi klub Čelik je osvajač svih održanih prvenstava u BiH, a njegovi igrači čine okosnicu bh. reprezentacije. Klub je osvojio Regionalnu ligu u sezoni 2014/15.

## PRVA POBJEDA RAGBI REPREZENTACIJE



Ragbi reprezentacija Bosne i Hercegovine ostvarila je prvu pobjedu u okviru Evropskog ragbi prvenstva 2017/2018 – Grupa 1 Jug. Na Kamberovića polju u Zenici izabranici selektora Ermina Mušinovića savladali su rezultatom 20:17 (0:10) selekciju Andore. Prvo mjesto u grupi drži Malta sa 14 bodova, drugoplasirani je Izrael sa 10 bodova, treća je Hrvatska sa četiri boda, koliko ima i naša selekcija. Peta, posljednja je Andora sa dva boda. U preostalim mečevima do kraja prvenstva, 28. aprila Hrvatska dočekuje Bosnu i Hercegovinu te 5. maja Andora dočekuje Hrvatsku.



Muška seniorska ekipa R-4 Sportsko-rekreativnog kluba Bosna iz Zenice imala je nedavno svoje prvo rafting-takmičenje u sezoni. Radi se o Euro Cupu koji je održan u Slunju (Hrvatska) na rijeci

## SRK BOSNA NA RAFTING EURO CUPU

Korani. - Na dosada neviđenom visokom vodostaju, kako tvrde mještani Slunja, naša rafting-ekipa se takmičila u tri rafting-discipline u veoma jakoj konkurenčiji rafting-ekipa koje su učestvovale na ovom takmičenju i to iz: Rusije, Italije, Austrije, Slovenije, Srbije, Hrvatske i BiH (ukupno 14 ekipa). Prvog dana takmičenja na ekstremnoj rijeci Korani rafteri su se takmičili u disciplinama slalom i sprint na kome je ekipa SRK Bosna osvojila deveto mjesto i uspešno završila utrku u slalomu, dok su se u disciplini spust, zbog povećanog vodostaja rijeke i veoma visokih bukova, ekipi SRK Bosna BiH,

Rusija, RK Dajak BiH i Slovenija prevrnule, zbog čega je i prekinuto takmičenje prvog dana, kazao je Ekrem Tuka, predsjednik SRK Bosna. Drugog dana takmičenja u disciplini spust ekipa zeničkog kluba je završila kao devetoplasirana, što je veoma dobar rezultat imajući u vidu da su ekipi učesnice na ovom takmičenju u vrhu tabele u Evropi i težinu rijeke na kojoj je takmičenje održano. Prema Tukinim riječima, SRK Bosna nastavlja sa pripremama za naredna takmičenja sa težištem na Evropsko prvenstvo koje je planirano u Češkoj u julu.

Vrijedi do 12.04.2018. ili do isteka zaliha

Skeniraj i skini kompletan  
akcijsku ponudu!



Ženska jakna  
art. 17221 55,90  
**39,90**



Ženska majica  
art. 1640 42,90  
**8,00**



Muška jakna  
art. FZK-11675  
**43,00**



Dječje muške  
patike  
art. XF823-25  
**23,00**



Muške hlače  
art. 5607

**40,00**  
**32,00**



Muške patike  
art. A112  
**19,90**



Ženske cipele  
art. 5015-118  
**23,00**



Ženske cipele  
art. X0726-DAM  
**25,00**

**32,00**  
**25,00**

Muške cipele  
art. 126  
**29,90**



Ugona garnitura Dali  
- dimenzije: (v)90x(d)282x(s)195cm  
- materijal: plavno mebl štop - eko kota  
**679,00**



Spavaća Soba Alex

- krevet: 160x200 cm
- noćnik: (s)40x(d)36x(v)42 cm
- ormari: (s)203x(d)58x(v)218 cm
- materijal: iveral
- boja: crna/bijela

**799,00**



Ormar Adria 2V  
- dimenzije: (s)90x(d)52x(v)185cm  
- materijal: iveral  
- boja: bukva  
**149,00**



Krevet Leon  
- dimenzije: (d)200x(s)160cm  
- materijal: bukva  
- boja: natur, tamni hrast  
**249,00**



Spavaća soba Kala

- ormari: (s)264,4x(d)60,5x(v)220 cm
- krevet: (v)100x(d)207x(s)193,4cm
- komoda: (s)110x(d)42,2x(v)90,6cm
- ogledalo: (s)110x(d)2,2x(v)80cm
- noćnik Zic (s)61,2x(d)32,1x(v)37,1cm
- materijal: iveral
- boja: korpus bijela, fronte hrast bardolino

**425,00**  
**999,00**



**TV LED SAMSUNG** UE43MU6122XXH  
109 cm, 4K, 3840x2160, PQI 1300, UHD upscaling, Smart View 3.0, Tehnologija LED, Tip TV-a SMART, Integrirani WiFi Da, DVB T2/C



49,00  
**39,00 KM**

#### BLUETOOTH ZVUČNIK

art.: TK-L19

- FM radio s digitalnim tunerom,
- integrirani mikrofon za bluetooth handsfree,
- AUX, ulaz za USB,
- SD kartice,
- trajanje baterije do 10 sati



#### TV LED FOX ANDROID 43ULE868

- ANDROID LED TV, 109 CM, FULL HD 1920x1080, DVB-T/C/T2, 1.5GHz, 4GB, RAM 512MB, Integriran WiFi i LAN priključak

#### NOSAČ ZA LCD

art.: LD2642

- od 26-46" nosivost 30 kg,
- dodatak HDMI kabala,
- tečnost za čišćenje LCD-a,
- krpa i četka

24,00  
**19,50 KM**



#### Komoda Zara

- dimenzije: (š)160x(d)41,6x(v)120cm  
- materijal: keram  
- boja: pacific orah/bijela premium

899,00  
**269,00 KM**



#### Komoda Fortuna TYP 03

- dimenzije: (š)110x(d)40x(v)148cm  
- materijal: keram  
- boja: bijela/grafit

229,00  
**189,00 KM**



#### Komoda G100

- dimenzije: (š)100x(d)38x(v)80cm  
- materijal: keram  
- boja: bijela

110,00  
**98,00 KM**

**Kompletan assortiman solarnih lampi**



#### Komoda Bold

- dimenzije: (š)180x(d)40x(v)84cm  
- materijal: keram  
- boja: bijela visoki sjaj

208,00  
**145,00 KM**



#### Komoda G60 S4

- dimenzije: (š)160x(d)38x(v)82cm  
- materijal: keram  
- boja: bijela

75,00  
**52,00 KM**

Madrac Super Medical	- madracu se dodaje posebni sloj nemanj gumenje koja ga čini izuzetno udobnim i prilagođivim njego usred spavanja. Otprećina jezgra su uspravna konstrukcija madraca kojom se predaju vani oblicni materijali.	dimenzije: 60x120 cm 71,00 <b>55,00 KM</b>
		- dimenzije: 90x200 cm 150,00 <b>209,00 KM</b>
		- dimenzije: 140x200 cm 200,50 <b>309,00 KM</b>
		- dimenzije: 160x200 cm 240,00 <b>369,00 KM</b>
		- dimenzije: 180x200 cm 250,50 <b>399,00 KM</b>

**Kompletan assortiman razvodnih kutija i ormara**



# GASTRO KUTAK

## Pile na pivi

### Sastojci:

- 1 cijelo pile

### Marinada:

- vegeta
- so
- biber
- crvena paprika
- bijeli luk u prahu
- 500 ml piva
- maslinovo ulje

### Prilog:

- krompir

Begzada Avdić,  
Zenica

### Priprema:

- U posudu pomiješati vegetu, so, biber, bijeli luk u prahu, crvenu papriku, maslinovo ulje promješati i napraviti marinadu. Pile ostaviti u marinadi jedan dan.
- Pivsku boču očistiti od svih etiketa – natpisa i dobro oprati, a na nju staviti pile tako da vrh boce viri i staviti u tepsiju da stoji uspravno zatim skinuti čep.
- Od aluminijске folije napraviti malu kapicu pa staviti na vrh pileteta da prilikom pečenja nebi preiše izgorio.
- Očistiti krumpir i narezati na komade. Dodati obično i maslinovo ulje, soli, vegete, par grančica ruzmarina te dobro promiješati.
- Krumpir dodati u pleh oko pileteta, podliti sa malo vode pa sve zajedno staviti u pećnicu (na najniži dio) zagrijanu na 220°C. Peći oko 60 – 90 minuta ovisno o veličini pileteta. Prilikom pečenja, pivo će lagano izlaziti iz boce i podlijevati pile i krumpir.



**Šaljite nam vaše  
recepte sa Klas  
proizvodima.**

**Najsretnije očekuje  
poklon paket Klas  
proizvoda.**

## KOLAČ OD JAGODA

### Kora:

- 4 bjelanca
- 4 kašike šećera
- 3 kašike brašna Klas

### Krem od jagode:

- 400 g jagoda
- 200 ml soka od jagode
- 2 kašike gustina
- 4 kašike šećera
- 400 ml slatke pavlake

### Premaz:

- 100 g čokolade
- 50 ml vrhnja za kuhanje

### Krem od vanilije:

- 800 ml mlijeka
- 4 žumanca
- 120 g šećera u prahu
- 4 kašike gustina
- 150 g maslaca



### Priprema:

Umutiti bjelanca u čvrsti snijeg, zatim dodati ostale sastojke i lagano izmiješati. Peći na 200 stepeni 15-20 minuta. Ohlađenu koru premazati sa čokoladom rastopljrenom u vrhnju za kuhanje na laganoj vatri.

### KREM OD VANILIJE:

Žumanca, šećer i gustin umutiti u 300 ml mlijeka. Dodati u preostalo mlijeko te kuhati na laganoj vatri dok se ne zgusne. Zatim ohladiti.

### KREM OD JAGODE

Ispasirati jagode zatim dodati šećer i sok te sve zajedno prokuhati, a zatim dodati gustin izmučen u malo vode. Sve kuhati dodatno dok se ne zgusne i ohladiti.

Umutiti pjenasto margarin pa dodati u krem od vanilije. Slatko vrhnje umutiti, a zatim ovaj smjesi dodati 5 kašika šлага i opet umutiti. Želeu od jagoda dodati preostalu umučenu slatkou pavlaku.

Na koru na koju smo namazali čokoladu nanijeti jedan, a zatim drugi fil i dekorisati po želji.

Elma Žigić,  
Zenica



# DETOKSIKACIJA ORGANIZMA U 5 JEDNOSTAVNIH KORAKA

*Čišćenje organizma ne mora biti komplikirano. Pridržavajte se nekoliko jednostavnih uputa i uskoro ćete se osjećati puni energije.*

## 1. VOĆE

Konzumirajte što više voća. U bilo kojem obliku – svježe, suho, zamrznuto ili u sokovima – voće će vam donijeti energiju i vitalnost.

## 2. VODA

Pijte što više vode! Voda je presudna za vaše zdravlje jer igra ulogu u svim fiziološkim procesima organizma. Voda je neizostavan dio svake detoksikacijske dijete. Pijte 8 do 10 čaša obične ili negazirane vode svakog dana. Voda pomaže eliminaciji toksina iz organizma te poboljšava metabolizam, raspoloženje i izgled kože.

## 3. ZELENO POVRĆE

Povrće - posebno zeleno povrće (brokuša, kelj, špinat) – bogato je vitaminima i mineralima, poboljšava imunitet, čisti organizam od toksina i uz sve to sadrži vrlo malo kalorija. Jedite ga što više – u sirovom obliku, dinstano ili kuhanu na



pari, u salatama ili u domaćim zelenim sokovima.

## 4. INTEGRALNE ŽITARICE I MAHUNARKE

Integralne žitarice i mahunarke odličan su izvor antioksidansa, vitamina, minerala, proteina i dijetalnih vlakana. Uključite u vašu prehranu divlju ili smeđu rižu, kruh od integralnog brašna, kus-kus, bulgur, heljdu, integralnu tjesteninu, različite vrste graha, leću, slanutak.

## 5. LIMUN

Limun je idealna namirnica za čišćenje

organizma jer pomaže eliminirati toksine iz tijela. Započnite dan čašom tople vode u koju ste istisnuli pola limuna. Odmah ćete se osjećati bolje, a nakon kratkog vremena primijetit ćete da imate sve više energije i uspješno gubite kilograme.



S mirom u duši,  
S ljubavlju u srcu,  
S vjerom u Boga,  
Radujmo se, volimo se,  
Jedni druge poštujmo,  
Jedni drugima praštajmo!

Neka se pred nama otvori put,  
Neka nas prati ljubav i sreća,  
I neka nam Bog bude zaštita najveća!



Sretan i blagoslovljjen Uskrs,

želi Vam HRVATSKO KAZALIŠTE TRAVNIK.

*Svim građanima katoličke i pravoslavne vjeroispovijesti želimo srećan Uskrs / Vaskrs!*

"SIGMA-SK" d.o.o. Zenica

Kočevska čikma br.6, 72000 Zenica | Bosna i Hercegovina | Tel.: 061/176-259; 063/333-095

# KREATIVNE IDEJE ZA PROLJETNE AKTIVNOSTI SA DJECOM



Proljeće je doba buđenja prirode, kada svaki kutak zelenila vrvi od cvjetova, ptica, insekata.

Ovo bogatstvo života sjajna je inspiracija za kreativne aktivnosti sa djecom. Za njih su vam potrebni materijali koje možete naći u svakom domaćintvu – tjestenine, papirni tanjiri, korpice za mafine, plastične flaše...

Umakanjem viljuške u temperu i otiskivanjem na papiru dobijete raznobojne lale



Papirne korpice savršena su imitacija krunica narcisa Viljuška je sjajna slikarska četkica i kada treba naslikati maslačak Tuferi od vate mogu postati nježne latice visibabe



Dno plastične flaže može poslužiti kao pečat koji otiskuje proljećne cvjetove. Mašnice od tijesta bojenjem u veselje nijanse postaju leptirici. Trešnje i višnje nastale umakanjem plute-nog pampura u crvenu boju primamljavije su od onih pravih. Nevjerovatno je koliko kokice liče na prolječni behar.



[www.krokotak.com](http://www.krokotak.com)



Papirna lepeza može postati busen proljećnog cvijeća. Od papira ili kartonskih rolni mogu postati razne životinje. Prelijepe rode koje možete napraviti od papirnih tanjira i plastičnih kašića. Presječen busen celera ostavlja jako lijepo otiske koji podsjećaju na cvjetove ruže i božura.

## JAVNI POZIV

Za upis pete generacije učenika u I (prvi) razred i prepis učenika u više razrede za školsku 2018./2019 godinu, radi evidencije i određivanja termina testiranja, odnosno provođenja procedure upisa. Prvi upisni termin počinje od 02. Aprila a drugi od 01. Avgusta 2018. godine

Prva osnovna Montessori škola obezbiđuje sve potrebne uslove za izvođenje redovne nastave prema Nastavnom planu i programu koji je propisan od strane Ministarstva obrazovanja Zeničko-dobojskog kantona. Učenike podučavaju licencirani Montessori profesori razredne i predmetne nastave u odjeljenjima od 5-15 učenika.

### Cijena godišnje školarine od 2400 KM uključuje sljedeće:

- Nastavni plan i program koji se 50 % realizuju na engleskom jeziku;
- Produceni boravak (izrada domaćih zadataća i korepeticija uz savremenu primjenu tehnika učenja obavezognog gradiva na maternjem i engleskom jeziku);
- Fakultativno učenje njemačkog jezika od prvog razreda osnovne škole.
- Vannastavne aktivnosti: stolni-tenis, šah, zumba, joga, drama, art, modelarstvo,

folklor...

- Besplatne udžbenike, propratni Montessori materijal za rad, školsku uniformu;
- Kvalitetnu i redovnu ishranu (2 obroka i dvije užine);
- Informatičko opismenjavanje od prvog razreda sa elementima multimedijalne nastave;
- Besplatan cijelodnevni boravak u periodu ljetnog, proljetnog i zimskog raspusta;
- Izleti, ekskurzije, rekreativnu nastavu i školu u prirodi;

### Uz naknadno plaćanje, škola nudi mogućnost sljedećeg:

- Obuku na muzičkim instrumentima: klavir, gitara, violina i harmonika;
- Obuka u programiranju i obuci robotike;
- Škola skijanja i plivanja;
- Prijevoz od kuće do škole;
- Zdravstveno osiguranje učenika;
- Boravak od 6-8h i 16h-18h svakim radnim danom i subotom od 8 do 16;
- Individualni tretmani logopeda, oligofrenologa i asistenta u nastavi;
- Programe ljetovanja i zimovanja tokom školskih raspusta;

### Pogodnosti

- Popust od 10 % imaju roditelji koji upisu drugo dijete u Montessori školu ili u poslovnu jedinicu vrtića Dječja Montessori kuća;
- Pogodnost plaćanja u rate

Za upis učenika u prvi razred potrebno je: ljekarsko uvjerenje, izvod iz matične knjige rođenih i potvrda o pohađanju Obavezognog preškolskog programa. Za prepis učenika potrebni je priložiti: Izvod iz matične knjige rođenih i učeničku knjižicu. Prelazak iz druge škole je jednostavan te se realizuje samo u jednom danu.

Napomena: Školskim obveznikom redovne osnovne škole se smatra dijete koje je do 1. marta tekuće godine navršilo pet i po godina života. Škola omogućava upis i mlađeg i starijeg djeteta od utvrđene starosne dobi, ako je to u najboljem interesu djeteta.

**Prva osnovna Montessori škola**  
**Crkvice 20c, 72000 Zenica,**  
**061182589 / 064 43 76 594**  
**prvamontessoriskola@gmail.com**  
**www. montessoriskola.org**



# PET BOJA KOJE ĆEMO NAJVIŠE NOSITI U 2018.

U 2018. će se sve vrtjeti oko jarkih boja poput žute i boje lavande. Naglašavamo da su neutralne nijanse i dalje itekako IN. Odabrali smo pet boja koje će (prema dizajnerima i street style zvijezdama) u 2018. biti najveći hit.

## NARANDŽASTA

Narandžasta je jedna od neočekivanih boja koje će se vratiti u proljeće 2018. Što upadljivija, to bolja, a nosi se na jaknama haljinama.



## ŽUTA

Još jedna jarka nijansa koju nismo navikle nositi i rijetko se nalazi u ženskim ormarićima, ali ono što je čini posebnom je činjenica da pristaje na gotovo svim tonovima kože. Kožu čini sjajnjom i vibrantnijom, a ten osjećenim. Uz to, jako lijepo izgleda kad se kombinira sa neutralnim nijansama te neizbjegnom crnom i bijelom.



## BOJA LAVANDE

Čak ju je i Pantone proglašio bojom za 2018. i nakon toga više ništa ne moramo reći, zar ne?



## RUŽIČASTA



## NEUTRALNE NIJANSE

Neutralne nijanse su nosive iz sezone u sezonu te nastavljaju biti jedan do omiljenih odabira svih modernih cura. Za proljeće 2018. dizajneri nam spremaju mnogo smedih, bež i kremastih komada.



Ružičasta Pink, pink, pink! Iako je roza bila hit boja i u 2017. - s velikim veseljem najavljujemo da će se nositi i u 2018. godini.



# 100 DANA DOBRIH CIJENA

**cm**  
COSMETIC MARKET

*Tražite najbolje rješenje za najpovoljniju kupovinu?*

cm je za vas pripremio **"100 dana dobrih cijena"** te od sada možete kupovati vaše omiljene proizvode po dobrim cijenama koje se neće mijenjati u narednih sto dana. Sada ne možete ništa propustiti.

Potražite označene articke na policama te uživajte u sjajnim pogodnostima!

*Odarano za vas, cm!*

# UGSR "BISTRO" ZENICA

## OSNIVANJE I ISTORIJA DRUŠTVA

Organizovan ribolov na području Općine Zenica počinje davne 1923. godine. Neuređen način obavljanja ribolova, bez propisa, pravila i nadzora, bio je presudan faktor da tadašnje zeničke ribolovce dovede na ideju osnivanja organizacije čiji bi osnovni zadatak bio uvođenje reda, kodeksa i pravila. Organizovanim i udruženim djelovanjem zeničkih ribolovaca je nastalo Udruženje Ribolovaca „Bistro“ Zenica, a njegovo osnivanje će se u narednim desetljećima pokazati kao veoma dobra stvar.

## UGSR "Bistro" ZENICA ...D A N A S

UGSR „Bistro“ Zenica je u novije vrijeme jedna vrlo uređena organizacija koja radi u skladu sa Statutom Udruženja registrovanim u Ministarstvu za pravosuđe i upravu ZDK. Osnovne djelatnosti UGSR „Bistro“ Zenica su zaštita i unapređenje ribljeg fonda, takmičenja u sportskom ribolovu i ekologija.

Poseđuje vlastite prostorije površine preko 200 m<sup>2</sup> koje su smještene u glavnoj gradskoj ulici i uz samu rijeku Bosnu.

Pored ovih prostorija u vlasništvu Udruženja je i mrijestilište na Bistričaku sa svim pratećim objektima i jezerom.

Bistričak spada u red najpoznatijih i najuređenijih odmarališta u okolini Zenice. Udruženje ima dva zaposlena radnika po Ugovoru na neodređeno vrijeme, a radi se o tehničkom sekretaru

i ribočuvaru. Radnici imaju redovna primanja i sve obaveze se uredno izmiruju. Pored ribočuvara na očuvanju ribljeg fonda aktivno radi i Komisija za zaštitu i unapređenje ribljeg fonda. U nadležnosti ove komisije je i poribljavanja rijeka koje se redovno vrši svake godine. Udruženje aktivno učestvuje na takmičenjima u organizaciji SRS BiH i SRS Federacije BiH, ali i na mnogobrojnim pozivnim turnirima.



Moramo istaći da imamo velik broj značajnih rezultata i osvojenih pehara koji krase vitrine Udruženja. Pored seniora, imamo velik broj veoma dobrih juniora i kadeta koji se takmiče u disciplini ulov ribe uđicom na plovak i postižu dobre rezultate.

Udruženje ima veoma jak sudijski kadar

sastavljen od kvalitetnih i dokazanih sudije, a to potvrđuje njihov angažman od strane Saveza na veoma bitnim takmičenjima. Trenutno imamo 11 aktivnih sudaca koji su 2013. godine od strane SRS F BiH nagrađeni „Zahvalnicom za doprinose na razvoju sportskog ribolova“. Pri Udruženju djeluje i Ekološka komisija koja svake godine organizuje niz akcija čišćenja obala rijeke Bosne. Broj članova Udruženja se u posljednjih nekoliko godina kreće od 400 do 500. Do 2005. godine Udruženje je svake godine imalo preko 1000 članova.

Cijena dozvole koju je propisao Zakon o slatkovodnom ribarstvu je u ovoj teškoj ekonomskoj situaciji uticala na veliko smanjenje članova. Jedan manji broj se prestao baviti ribolovom, dok su se ostali odlučili baviti krivolovom i plaćati dnevne izlaskes.

U prostorijama Udruženja djeluje i radi i SSRD ZE-DO kantona, a u posljednjih nekoliko godina u prostorijama je sjedište Takmičarske i Sudijske komisije SRS Federacije BiH. UGSR „Bistro“ Zenica je otvoreno za saradnju sa svim udruženjima u BiH po svim pitanjima, te će i dalje vrata ovog Udruženja biti otvorena svim sportskim ribolovcima.

Za izuzetne doprinose na razvoju sportsko-rekreativnog ribolova Savez ZE-DO kantona je 2015. godine našem Udruženju uručio priznanje: „Povelja za doprinose“, a naš rad je prepoznao i SRS Federacije BiH koji nam je na svojoj Skupštini u Bugojnu 07.05.2016. godine dodijelio priznanje: „Plaketa sa diplomom“.

## 072INFO: PET GODINA POSTOJANJA NAJČITANIJE PORTALA U ZE-DO KANTONU I ŠIRE!

Pet godina uspješnog postojanja i djelovanja jednog od najčitanijih i najatraktivnijih online medija u zeničkoj regiji navršit će se 29. marta ove godine.

Svojim jedinstvenim radom, idejama i profesionalnim pristupom nije se bilo teško za kratko vrijeme izdvojiti od ostalih, naročito na lokalnom nivou.

### Porast čitatelja

Postavljajući standarde, norme ali i zadatke drugim medijima, koji su na sceni u to vrijeme bili već godinama, 072info je nizao isključivo porast čitatelja, članova na Facebooku ali i eminentnih firmi iz cijele BiH koji su uvidjeli efektnost korištenja našeg marketing prostora.

Danas portal 072info bilježi 1,4 miliona posjeta mjesечно, putem naše Facebook stranice prati nas blizu 150.000 ljudi, a itekako je praćen i naš Instagram profil.



Osim toga, izdvajaju nas objektivne i tačne informacije. Nikada u proteklih pet godina nismo objavili nijedan demant, što dovoljno govori o ozbiljnosti našeg medija.

Sve to i brojni drugi, vidljivi, rezultati prednjog rada, na čelu s hiljadama naših čitatelja, kojima je 072info postao omiljeno štivo u svijetu internet medija, učinili su da naš portal za rekordno kratko vrijeme postane itekako prepoznatljiv na području Zeničko-dobojskog kantona i šire!

### Zadržati kvalitet

U proteklom periodu bili smo na svim većim događajima u Zenici, ali i Kantonu. Na stotine

događaja s lica mjesta, autorskih tekstova, fotografija te videopriloga, a što će svakako biti naša misija i u narednom periodu.

Vjerujemo da će naši čitatelji nastaviti da nam ukazuju povjerenje, ali i da će se njihov broj, kako je to već slučaj, iz dana u dan nastaviti povećavati.

Uz obećanje da ćemo nastaviti postavljati standarde u svijetu internet medija, hvala svima koji redovno čitaju naše vijesti. Obećavamo da ćemo zadržati kontinuitet ali i kvalitet, te da ćemo pružati sadržaje koji su kako ozbiljnog tako i opuštenog karaktera.

**U povodu petog rođendana 072info, odlučili smo se na jedinstven način zahvaliti našim čitateljima, koji od sada sadržaj portala mogu pratiti i putem Android aplikacije.**

Revolucija u svijetu internet medija se nastavlja...

Zerina Mačak

# KADA JE IDEALNO VRIJEME ZA SADNJU POVRĆA



Svaka namirnica koja nam stiže iz vrta je mnogo hranjivija u odnosu na onu koju kupujemo u prodavnici, stoga je pravo bogatstvo imati barem mali dio svježeg povrća iz svog vrta na trpezi.

## SALATE

Sorte salate iz grupe maslenki sade se krajem marta, a kristalke polovinom aprila. Maslenke imaju sitnije glave pa se sade u razmaku od 20x20 centimetara i stižu krajem maja, a kristalke u razmaku od 30x30 centimetara i stižu za berbu krajem juna ili u julu.

## KRASTAVCI

Krstavci zahtijevaju mnogo topline, pa ih treba saditi krajem aprila ili početkom

maja. Razmak između sjemenki treba da bude 1-1,2 centimetra. Od početka berbe u prvoj polovini jula treba ih redovno brati, pa čak i one koji su "zakržljali".

## KUPUSI

Kelj, kariol i kupus u kontinentalnom području uzgajaju se u proljeće, ljeto i jesen. Za proljetni uzgoj upotrebljavaju se sadnice iz zaštićenog prostora, a sade se početkom aprila, i to uz razmak od pola metra.

## PARADAJZ

Možemo ga uzgajati od sadnica iz zaštićenog zagrijanog prostora, visokih oko 25 centimetara i debelih jedan centimetar pri dnu, 30 do 50 centimetara razmaka

između biljaka. Visoke sorte vežemo uz kolac. Sade se čim prođu proljećni mrazevi.

## MAHUNARKE

Grah mahunar treba mnogo topline pa ga ne treba sijati prije nego što se tlo ugrije. Obično se sije u kućice razmaknute 40 centimetara, po šest do osam zrna. Grašak se sije nešto ranije, čim se snijeg otopi, kao i bob.

## PARIKA

One se sade na ravnu površinu ili u gredice kada srednje dnevne temperature premašu 15 stepeni Celzijusa. Razmak je 60x20 centimetara.

## MRKVA

Mrkvu sadimo krajem marta i početkom aprila u četvororedne trake, na razmak 20-25 centimetara, a između njih ostavljamo staze od 40-50 centimetara.

## LUK

Crveni luk se sadi početkom proljeća, na razmak od 20x15 centimetara, a čim stabljike polegnu treba ga vaditi te ostaviti da se dobro osuši. Bijeli luk se sadi na isti način kao i crveni. Poriluk se sije u maju.

# OVE ČETIRI STVARI NIKAKO NE SMIJETE DA USISAVATE



Kada se dohvati usisivač, brišete sve pred sobom. Postoje stvari koje nikako ne smijete da usisavate jer mogu čak i da ugroze vaš život. Nekada je parmetnije da koristite metlu ili krpu, a posebno kada je pitanju manja količina nečistoće.

## TALOG OD KAFE I VLAŽNA ZEMLJA

Bilo da vam ispadne malo kafe iz aparata, patronе ili prospete "starinski" talog od kafe nikako ga ne usisavajte.

To važi i za vlažnu zemlju koja može da ispadne ako jače gurnete podnu saksiju. Vlažne nečistoće mogu da se zalijepi za neki dio motora usisivača i tako ga oštete ili unište.

## SVJEŽE NAMIRNICE

Malo soli ili šećera možete da usisate. Ali ako imate na podu komade svježe salate, komadić krompira to onda ne radite. Mogu da se zaglave, da trunu u usisivaču i zapuše crijevo.

## PILJEVINA

Poslije radova u kući često, sitnog reno-viranja najlakše je da usisate. Ali, radite koristite metlu.

Sitno ostaci drveta, piljevina, dijelovi metalia ili stiropor mogu da oštete motor ili da se vrati u vazduh.

## TEČNOST

Usisavanje tečnosti je najopasnije sa ovog spiska.

Može da dođe do strujnog udara koji ne samo da može da uništi usisivač, već može i vas da "prodrma" struju.

# dolcela®

## Sretan Uskrs!

NEKA I OVO  
PROLJEĆE BUDE  
POSEBNO UZ DOLCELU



PODRAVKA